

# Inyobo Aisupario Naejai Moru?

Jeffersonville, Indiana U.S.A.

65-0725E

1 Bon kiyuu, bon kiyuu, iboro kere epedoros, bon kiyuu ijo iboro kere epedoros karai kiyuu ijo.

Ketuluroto akwes wok kwana.

Papa Edeke, erai ngin ailipa kosi naka amuno akuarena, nekianyunia kere nuswamai ijo kanuka itunga kotoma apaaran kana. Ido ilipit isio ijo, Ejakait, apedosi bon isio aiyuun, bon aiyuun ebe erai Abeit, akirot naiwadikatai itodiar mama ijai isio. Koinak iboro lu, Papa.

Kwana akuar na ikoto sio aisialamikin Jo kanu aica na abu Jo kocakak toma Kanuiwadikaere kanukosi atupuruc naka lolo. Ido kilipit lolo, Ejakait, kotoma okokoro loka ailipanakin itunga, ebe ibuni Jo aitogogong AkirotoKon araut nakabeit.

Kilipi sio kanuka ikanisan kere ka atukosia nuetukokina alukunit isumun ludidik kokinga kangina, ameun kotoma akwap kana, kiton toma oikoruon luko To, kuju toma omor luko Arizona kiton kwap ngina aditono nuko Texas, kiton cut oikoruon luko Kide anatar akwap kere, Ejakait, ne etukokina kesi. Isawan luipu itiakakina isio kajaasi toma apak, konye Ejakait, ijai sio nepepe lolo kwape aibunget adiopet, ikeyuunak, luidaritos abunore naka Mesaia. Kilipi isio, Papa lokotoma Akuj, ebe ijukuni Ijo Nges katipet kanuka EkanisaKon. Naarai kilipit nu kere KokiroriKe. Amen.

2 Ipedorete yesi aiboikin. Amalan naka Ekristayone mama ejaasi luiboiyete kane kere akuar na. Elipit aitimio ebe iringa oni kiridakina ido kenapap kiton ne etionor ber eyengane da. Karaida acuuman nuekusetek ewap, kiton acuuman ngun da, mam bobo iswamaete jokan koipone kaloibusakinitor, ipu noi itunga. Korai komam ekanisa kilelebasi kede itunga, ti acuuman ngun kitililimoto yes kiton akako. Konye kwana nginitunganan ejaasi kede aipuket naka ekwap, ido ipukete, ido acuuman nuka akwam da kokusetek cut noi kwape kepedoriata kere.

Kijukari amalasia ameun kangeset naKokide kiton To, mama ejaasi ipaperokosi kotoma Kristo luejaasi epupokinitos. Kijukuni amalasia laiye toma San Jose, Onac Borders, atukos nakokuju kangina. Ijukari isio amalasia kuju orongan ngina Prescott, Arizona, mama ejai Onac Leo Mercier ka atukosike luejaasi kuju ngina kidaritos abunore naka Ejakait. Ijukari sio amalasia mama ejaasi ngun lukokuju kangina ko Houston, Texas, mama ejaasi ngul luidaritos abunore naka Ejakait. Kuju toma Chicago, mama ejaasi ngul luidaritos abunore naka Ejakait. Kuju toma angeset nakoKide, New York ka Connecticut, ka atukosia nuepolok kokuju kangina, luidaritos abunore naka Ejakait. Emamei oni aiboisit naillesikina kane kanu kes aiboikin, aso erai bon oni aijukakin kes Akirot etwasamaete epone loka esim. Ijukari isio amalasia mama ejai Onac Junior Juckson lolo, ka atukosike kokwap kangina ko Clerksville. Onac Rudell kokuju kangina ko 62, ka atukosike, ejaasi idaritos abunore naka Ejakait. Ido kijai itukokina ne akuar naka lolo, toma okanisa loka ore, ekanisa, kidarit abunore naka Ejakait.

3 Ido kwana, luipu kayesi katicepak kimamate kotoma aijanakin atupuruc kana. Konye amunokina eong ebe kanginitunganan, yenimam, ebuni adumun atepu ngin, narai acamunit eong ebe ebuni araut airaret naitogogong Ekanisa—ageun kotoma aisiraret naka lukaipa na nges apak? Abu eong apapu ainyonyoikinio naka Emoyo, abu eong apupu aingarenikinio alimun ngun nuabu eong kalim. Erai naoja, konye abu eong kapupi aingarenikinio aswam ngun. Ido aomit eong Ejakait, kotoma akirotoke, abu kitodu ebe anibo apakina kijaaria oni. Kosodi aanyun ebe imisikin oni iboro lu lukayeiyeya luda iswamasi. Ijeni ijo, ebalu Ebaibuli ebe, "emisikinete lukacoa."

Konye akwapin kede itunga epote ayatakin, "anonokar kede acoun." Bon koomom, kwana kiding naka etunganan loka America ejai atur nakokiding, nepetai ikaru akaisarei luka apolou, kononok ido kopiriana. Amameototor kes kede idegei luka jet apakio ngun, ido—ido atomic warheads, konye ajaarete aojau. Ijai oni anonokar kede apirianar, ido acoa wok ikulepek nges ebeit amudiar oni. Ibuni oni amudiar owokowat. Abu duc kojai koipone kangol, ido kopekwangin bobo ejaunor.

4 Kwana, arai ekoto Ejakait, asabiti naetupakin, komam ajeni nuabu eon gainer, konye amunokina eong ebe Ejakait, karai ecamak nges oni aijar ido komamei ibore yeniswamaun, ido korai akoteke, ilosikinit oni bobo ainer aisiraret ace atupuruc naka asabiiti natupakin, ajaun kede ailipanakin lukadekak akuare naka asabiti naetupakin. Ido kojaun do toma oipudika abongor ore kotoma Arizona, ainyakar ekale bobo tetere idwe iwadikaunos osomero. Ido kanen ijaunos yes...ibuni aikwenyakin yes, koipone loipedoria kere, kanuka atukonokineta kwape kitogongorere, arai irwana naipedoria oni...aiboisio nuipelekinit oni ajaun. Aso, Kisirereng Edeke yes kere.

Kwana akuare na, ajenete ebe erai...ejapit eong kede idakikana itomonakany, ageun kede, adakikana atomonakany kiton isawan iarei kane kotoma Jefersonville; ido erai ngin nepetai adakikana atomonakany adlore isawan iuni kotoma ariono nuka okide. Ido kwana erai nepetai isawan ikany kotoma ariono nukoto. Aso kwana kiyapikinit kwana oni aijesar akolong kane. Ido akoto eon gainer kede yes kotoma aijanakin naeurina, aitama abumun ainyonyoikinio naka Emoyo, kasodi anyaraun ekokoro loka alipanakin lukadekak.

5 Kwana akoto eong atukos naejai ne, nepepe ka atukos naetukokina toma aiboisio ace, kodum ecetunganan, onac ece loinyonyoikinit Emoyo, ido neigeunia isio ailipanakin lukadekak, kolot kidokok akanin mama ejaasi ngul luedekasi kotoma atukosikon. Kiitu ebe erai Edeke Loejai aiboisio kere, ejai Ngesi toma nginiboisit kere. Aso kokwap kangina kotoma Texas, ngina California, kuju laiije Arizona, kere neijai jo, idokok akanin mama ejaasi ngul luedekasi kosodi ageun ailipanakin kes. Ido acamunit eong cut ebe ebuni Edeke aiirar ka abongokin ailip.

Ibore yenitegelikina, akuare nasabiiti naatubor, ido ajai ainyonyoikinio elosingaren, ido Emoyo lokalaunan...arai nges ibore nepetai. Mam eong abu kajaatar atuputupeta nuka amisikin itauno adaun ilapio kede ilapaio, ageun neabu eong ajar ne apak kaya. Ido alosit kanen kokwap naka aisumunet...mam ijo ijen ebe epedor nges aswam ngun. Eyangaikin ijo alosit kiton ne kosodi aidarakin. Erai nges loeyaikina. Iswamai nges nuipuda aswam. Konye kobwo kanen kosodi asesen nuelosi nges aswam, kosodi apupun nges elomar mamakon kwangin.

6 Ido kotoma angetakinete naka airiamun, komam ajen ebe ingai bo kerai, konye abu kojai etunganan kanenice kotoma okokoro laoja, ido kilarongong kokuju, ido arai nges etunganan loadeka noi.

Ido kanen kawasiake, abu kojai etunganan loabu kotakan kane kotoma otutar, ido kojai kitulurit akekou kwap, ido kosubite bala adeka, kojai etingit akekoik. Ido abu eong kaomite ebe arai ngol etunganan losodit arai lokiiaret, arai lo erai nges kere ebe abu eong kelipakinite nges, narai elarongongo nges da ido kojai itulurit akouke kwap; etunganan laoja, kokuju. Konye abu eong asesen adumuni eong ejakait lo kiboyei kokinga kangina, konye ajai nges kiyalama. Abu do eong kaomite, "aibo ejai nges?" mam eong apedor ajenun nekejai nges. Apedor eong apupu kede aanyun etunganan ebwoi koingareneka.

Abu eong apupi airiunet kalailo, ido ajai nges ebunit kokau. Abu eong asesen onac Neville kede luarei lu iboyeete kane, mam arai kes. Abu eong kalim, "etunganan ejai toma aiboisit naka aibatisare kokau kangina." Ido ijenet yes nges? Onac Shepherd. Ibore yen mam eong abu kaanyunia nges, abu nges kojai iboyei kokau kangina kitulurite ekekou, kilip.

Aomit nges ebe alosi nges atwanare, aomit nges nuka isabitin idis. Abu akeberu kolimok nges alosit egwltw amuka, ido abu nges kotema atiar, "mam eong epuda kesi. Mam eong abuni ajaut ne aojau ngin."

7 Ido abu ngesi kiriamunos nepepe keong apaaran ya kokuju kangina kagulei, kotoma acelanar naka Onac Wood ido aiturit Edeke. Ebalala ebe, "Ajai eong ainyam akiring naka epege, abeei, enyaanya, imodiobore kere yen akoto eong."

Ido kede aitasono einakin akeiboisit, ebongor nges kau ngina anyaikin isio erot, ido kilipi. Kiany, mam ijo ipuda akadi naka ailip, ipuda bon ijo aiyuun. Kiany?

Kwana, mam eong ajeni arai abu nges kongaleu arai mam, bon abu eong atema atiar, "Etunganan, kilipi, ejaatar nges ibore yenerono." Aomit eong anyaritari ngin ebe ationis naka akoik, ido kojai kilip kokau kangina. Koinak Ejakait Yesu Kristo jo ajaun ejok." Kwana, ngun kes apedor eong alimun. Ariunet ajai narai ajai nges da ilipi. Apedorit eong aanyun ngin, konye nuapotu kiswamaunos mam eong ajeni. Kiany?

Konye neiirara ijo ngun ebongunete bobo, kanginitunganan kere ejen, netemara nges ebe, "EBALA KWANATA EJAKAIT," kiany, mam bobo erai eon genera bobo cut; erai nges.

8 Konye duc ebalala nges, "Yesu Kristo nges etangaleu jo," erai ngin cut Abeit. "aponi kimusungai nges kanuka amamus adolit wok, kotoma omacarinike nges kitangaleunitere oni." Kiany? Kiany?

Konye nebunio nges, "EBALA KWANATA EJAKAIT," kosodi alimokin ijo nibusakinit aswam kede nuelosete aiswamaun, kosesen do ijo ngun, ejaunos kes kopekwangin.

Konye karai atema eong atiar, "Yesu Kristo nges kitangaleun jo kede ainakin ijo ajaun ejok," iyuunit jo ngun, narai edaunit nges alimun ngun. Ajai do bon eong abongokin nuedaunit nges ainer.

Ido aitapoete ebongokin nuedaunit nges aitodiar. Kimiisik yes?

9 Kwana kesunyakis kasodete Alomar toma Akirot, naarai ajeni eong luipu kayesi kane, kijaas kede amairon nuipu nuebeit alosit akuare na. elipi eong ebe isirereng yes Edeke, kingarak yes kede ayuar yes kotoma orotin kus. Ido kwana epuda eong akieriar katipet mama ejai Matayo lokalaunan, esula loka 21, ekokoro 1 kiton 11, kotoma Matayo lokalaunan. Ido kwana, karai emamei ijo Ebaibuli kon, arai ipuda ijo aiwadika ikokoron lu ejok.

10 Ido mama ijaas yesI ngul lumam iirarito aisiraret atupuruc na, ido ijaatar yesi kede ateepeu naikamitai; mam icamakinit agwelanario naka ateepeun. Mam icamakinit, agwalanar idiobore. Irwan nuipu kotoma atukonokin nakapolon elimorete kesi ebe kija kede itabon ice kane; mam iswamai idiobore kotomakec. Onac Vayle nges erai ekewadikan. Ateepeun, etunganan loitolosi akiro nuka ateepeun kangina ibuni alimokin yes, mam iswamai idiokapu. Mam isio iswamai...mam erai "Ateepeun."; erai aisiraret. Ido neibwaikina etunganan toma aomisiok ebe erai isirigin, mam bobo elosi aswam ateepeun bobo cut. Erai ngin Abeit.

Abu eong ajai engisit ngun, aomit eong ateepon wok egwelete nepetai kotiai loka nepetai, kwap naka isirigin luka dollars ikany, arai idiobore, iuni kiton ikany, arai idiobore kwangin. Nuinyoka abala? Iuni; kede iwongon, kanuka ngun nuepolok, ateepon nueojak.

Ido ekejanakinan ece, abu eong kengisite akiro nuka ateeponike, ido abu korai isirigin luka dollars ikanykangon, nepetai aojau naka adakikana akaisarei arai akaisaun, nuka aisiraret.

11 Kwana asesen eong ebe onacewok Sothmann kokau kangina mam nges ejai aibara, ediokakesi, kotoma ateepon kanu nuejaas kes aitolom. Kiany, edumununete kes bon luilosikina ainyikokinit aswam ngin. Kiany, idumununete kes bon luilosikina kanuka ainyikokinit. Mam ibuni atemar ebe iswamata kes atitai narai ejai kesi egwelet ateepon kede idiobore kere. Ido acumen eraas nuepol etiai, eyangaikinit bala isirigin luka dollars itomon kanuka aiswamaun ateepon, ageun kede.

Kwana, amisikinit eong katipet adaunit eong alimor ngun sek. Ejai bobo apupio naka ateepon. Kangin duc oni lumunon kes itutubi ebe ingai bobo etunganan loetupakin aswam ateepon, ido ijukakinio nges ebalua. Ngun bon kesi ajen eong kotoma kangun, narai mam eong esirereng imukerun kilema bere nuka ateepon, aso, arai aibatisa.

12 Kwana adau kwana eong asipokin akaomisio toma aisiraret na, erai ngin airiunet nauniet, ido erai ngin naibusakinit eong anonokikin kede arimar.

Matayo 21:1 kiton 11. Abu eong kalim ngun tetere yes kisesenete kojokan kanuka...arai apupokinit nuiwadikatai.

*Naeapiarete kesi Yorusalem, kodoloto Betapage, moru loka Iseitunin, kosodi Yesu kijuka ikesisiak iarei,*

*Kotema kesi atiar, "koloto ore loisesenete, atipet idumunete asigiria naeenitai, ka ikekoku, kolacut, koinut eong.*

*Arai kitemari idiotunganan akirot, ibongokinete nges ebe, "Ejakait ipuda kes." Kosodi atipet kijaikin kes."*

*Kojaut ngun tetere edoli akirot nakinererit enabi ebe,*

*"Kilimokis yesi akoku naka Sion ebe, koany, ebunit Ekabaka koni mamakon, loitasono, ibwanenit asigiria, ibwanenit ikoku, ikoku yenikakating nakebwokan."*

*Koinut nges asigiria, ka ikekoku, kopetanakis ikecenapen; kibwanen nges.*

*Kopetanakis itunga luipu lukotoma okodet ikecenapen orot, ice da kojepununete atenieik kokito, kopetanakis kes da orot.*

*Kiworoto ikodeta lukungarenikinito ka luketupakinito nges ebe, "Kosana mama ejai okoku loka Daudi! Isiererngitai loebunit kokiror loka Ejakait! Kosana kuju noi kakuju!"*

*Nakelomaria nges Yerusalem, koriengut lukore kere, kobalas ebe, "Ingai bo lo?"*

*Kobongokis ikodeta ebe, ngol nges enabi Yesu loko Nasaret nako Galilaya."*

*Kwana karai alemu eong akou naka akirot kane, kanuka nepetai adakikan akaisarei eroko egeuna ailipanakin lukadekaK, epuda eong alemun nu kanuka akou naka akirot: Inyo bo aisupario naejai Moru?*

13 Kwana, arai eitegane, apaaran naka apolor aitapasone, ido arai apaaran naetegelikina. Kidumun oni Yesu kane ejai Alomar Yorusalem, ekapakina ajaun toma oipucit loka aleleng. Ido opucit loka aleleng nges aarere imerekek yenika asubanit, ido abwatakinio aokot toma oicolong loka asianut kanuka alucio naka itunga. Ido abu nges kobu kiton Betapage ido abu nges kobu kiton Moru loka iseitunin, loda itereikina kede imoru ice yenadit neda adukokinitai Yerusalem. Ido kwape abu nges kosesena, kosodi ajenun ebe arai na apejonike nakawasia.

Ebe arai na apak nalosere ainakin nges akanin nuka ikiliok lukaronok ido apote kes aira nges. Ido abun nges atwanare, atwanare nakaronon kakere naetwanitor etunganan, kosodete ainuk. Apote luke abilakin nges ebotet, ice kakes ebwoete kede nges. Ido nges, kwape Edeke, abu kojen nuajaas toma otaunokek, ido abu kojen kotoma ageunet ebe ingai abuni abilakin nges ebotet. Ido abu kojen ebe etunganan ngol abuni ajaun kede nges loda ajai osiepikie kosodi aimar isiriginike mamake, kede aceda, abu kojen ebe etunganan ngol abuni abilakin nges eboteti. Ido kojen ebe emusalaba lomojong loka Iromayon ajai kidarit nges kangina. Abu nges kojen ebe akipi kede aokot nuka akuanake apote atiak, ido apote aokot ngun ait kotoma oreeteke, imany lukapolok kwape alunguren. Abu kojen ebe ngun kere apotu kojaas ngarenike. Ido abu kobwo komoru, kosesen Yerusalem.

14 Itunga luka apaaran kangin, kes...nuanyaritai nuka apak kangin, "Itunga luka adoketai naka kuju luka edini," apotu kolaata nges. Ikanisan luka apak kangin apotu kongeroto nges kosodete aitoron nges, kosodete aigir kere luapotu kopupokiis nges. Ido karai eloto kosodete airar nges, esunyakinio agolor kes kotoma oidicanekec loka ikanisanakec. Mam ace karaida ebalas nuiwadikatai ebe, "ebe abu kobu obuke, ido luaraas luke mam apotu kijaut nges," ngul luebusakinit amina nges, luda ebusakinit ajaut owaike, koraut adwarisike, lukasurupokec lukarokok kakere.

15 Ido adaunit nges aswamaun ekodeteteke loadit kotoma otunga lukaican, ekamak agaria, iketelemak esolo, lumam esiomito. Ebalas ebaibuli ebe ice kakes araas lumam ajenet idiobore, lumam esiomito." Ice mam bere apedorete karaida aiwadika ikiroria kec. Mam nges abu koloma okanisa kanuka adumun iketunga.

Ido mam apotu kocamanaros kede idio kotoma ongarenok luka Ekanisa. Ido, kilema bere ngun, abu nge skitoronite idio bore kere yeneswamatos kes, kwape yenajaatar kes eroko nges kebuno; narai arai atututbet naka akirot, ido arai nges akirot kotoma ailelebake.

16 Konye kotomake kere, kotma kanginitur kere ido kangin inabi loabu kojai arai loejaun, ejaun etia loka itunga luedaunitai asekon sek aiirar aisiraret ngin, ido epote kes atupakin ngin. Luemamei aijen ikodeta. Itapalaunete kesi ainyanakin naka kalumam iyuunito. Emameete kes kede ipegeta kede ngun. Ejaatar kes kede ibore idiopet bon yenibusakinit aswam, nges bon aiyuun kede adumun kanginitutubet naka kangin naepedorete kes, aitolomar nges toma kwape ka Mariam naeboyenenei kakejen nuka Yesu.

Ido Marita abu kojai itemonokin luka atibong, ido kotema Yesu nges atiar, "Konye, Marita, irai ijo naipodokinit nuka iboro luka aijara, konye Mariam epodokinit nuka iboro lukajokak," kiany, iboro luka aijar namam edaun.

17 Kwana, idumun oni ebe Mariam kama ejaas itunga luemisikinito...amameotor kes kede apirianut kwape kijaar oni lolo, amameete kes kede Television arai bo isimun, arai idiobore, yenika apak kangin, konye asubit bala ayapiei apak naka aleleng. Narai itunga luepu, kwape araut luka aijen naka Emoyo, apotu kojenete ebe arai nges imerekek yenika aleleng, narai adaunit nges alimokin kes akiro kere lualosete aiswamaun.

18 Ido kanen, narai, aijen ebe ebusakinit nges ajaun ngina, ido kominas nges koipone kangol, ajaas kesi kidarito nges. Ajai ekodet loda ajai ijukitoi, emotoi kotoma korute ediopet kiton loce, kirereete ngol rot kere, narai ajenete kes ebe ediosawado kanen, narai, aijen ebe ebusakinit nges ajaun ngina, ido kominas nges koipone kangol, ajaas kesi kidarito nges. Ajai ekodet loda ajai ijukitoi, emotoi kotoma korute ediopet kiton loce, kirereete ngol rot kere, narai ajenete kes ebe ediosawa kere apedor nges atakanun. Ajaas kes esesenete.

Ice ajaas eumokinito ebe inyobo ationus itunga kalu luekerete orute kiton orute. "Inyobo aisupario?"

Ido angolengolete kesi lailo ka laiije kanu aitam ajenun. Asubit bala amootos kesi icebore, kidaritos kanu icebore aiswamaun.

Oo, eipone lo ti aktor eong aijulakin akouka naka akirot kanu idakikan idis kasodi alimun nata, ebe ngin nges ationis naejai lolo. Itunga luejaasi emootos kanu Nges abunore ejaasi idaritos ido kojaas ka amun naepol noi. Ipedori aipup ngin, aibure. Ido ejaasi kesi emootos, kosesenete kanginilamaret ka nginianyonet, kitirianete ngin ka Nuiwadikaere.

19 Ido neanyunata kes iboro ngun kere luaduaritai kanuke, cut kiton angetakinet, ejenunet ebe eapie awasia. Ipudas kes ajaun ngina, aso aotu kes kosesenoto. Atutubet naka ekodet karai kanuke, kotoma atongot. Ice asurokinito nges, luipu kakes, akaisakanykangon kotoma kanginikwatat araas luasurokinito nges.

Ido kwape kwangin ejaar kiton lolo kotoma okodeta luka edinin, nedolokina cut toma akirot kede Kristo, ejai nepetai idiopet kotoma kanginikwatat nges iyuun ngun. Atutubet nace kere mam epupokinet mama ejai ngin, mam ace kere nuiswamatai, itolomunete kes icebore yeneyala kosodete aitolomun icebore kotoma kangun. Nepetai ibore yeneputo. Apak, mam iboro ijulas noi, akiro nuka asekbongonokinete kes bon.

20 Ejokuna, kijen ebe itolomun ngin aibure naisiriengun. Ayangakinit ajaun kwangin. Eburaat iswamaun ngun. Apotu kes kidarito, ajaas kes eumokinito kes arai nuinyoka ti kiswama nges nekedolio ngina. Epudas kes ajaun ngina kanuka adumun idiobore kere yeneswamai nges. Epudas kes ngun. Epudas kes aanyun ngun. Apotu kes kiyuut nges. Ice eirarito ebe ajai nges abunore, ido apotu koloto ngina kanuka akenar nges. Aso akaulo naka aibure naka aomit, apaaran naetegelikina, apak naetegelikina noi, ejootoete ikanisan, mam itunga akapakina, ajaas itunga luepu ngina, ido abu ngin iswamaun!

21 Kokuju moru loka iseitunin kobu yenadit, asigiria nakwangan, ijesun kotoma Moru, kede ekodet loka itunga kotoma ojala ikariete, ebilununete akwii nuka asasaan kotoma okito kec, eakanakinete inapen

kec orot, kocelanos, "Osana mama ejai okoku loka Daudi loebunit okiror loka Ejakait!" isigiria yenidid, ekebwaneitonike mam arai ece kilema Mesea loka Edeke loenyonyoikinitai kanuka apak kangin.

Edeke, kanen, nuinyoka abu nges kiswamai? Inyobo aisupario ngin najai ngin kuju moru? Arai Edeke itodolikin akiro, ido Edeke itodolikin adwarasit. Ido eswamaun duc ngin aisupario. Ejai nges aikeun ainyanakin kere kuju, acutio (naka aisiraret kana naka atupuruc), ido imorukalen da. Kiany? Ajai kes abunore nepepe aanyun ebe inyobo iswam. Ice epote kanuka aisisiaun nuipu, ice koponito kanuka adumun aibucaret, ice oponito ainyanakin. Ajaas iponesio kere etukokina, kwape kilimunitor oni atupurucuna: ikeyuunak, lukesoswai, kede lumam iyuunito, inyobo ejai Moru? Adwarasit nges etodolikin. Kwana kianyun nueswamaunos.

22 Kwana, kotoma oitabo loka Sakaria, kotoma osula lokokanyetekaongon. Sakaria, ediopet konaabin, abu kiner kotoma Omoyo, kobala nuta:

*Kiyalamikin ijo apese naka Sion!*

*Kikalal, ijo apese naka Yorusalem!*

*Koany, ebunit ekabakakon neijai:*

*Erai loedolit ejaas kaitajario;*

*Itasono kibwanenite da asigiria,*

Kwana, nanyoen bo ationis kede lukewadikak? Anyone bo ationis kede isaseredotin? Anyone bo ationis kede itunga ngul luka edin? Araas nu nnewadikatai ikaru akwatangon ido ikaru ikanykaunikanykarei eroko iswamauna, kotoma enabi loetodiaritai, ido arai nadaunitai aibwaikin toma aiwadikaeta ido nuenyaritai Ebaibuli, anunuketa nuka aitutuket kanamojong. Kanukinyo mam kes aanyunata adwarasit ngin itonolikin? Apelekinet nginpingin nges mam kesi eanyunata kiton lolo. Apotu kesi kosesenoto akirot naka Edeke kosodete aitarauun naemamei ajokis kama ejaas itunga, kotoma aisisianakin (naka inonosio) kanuka aisisianakin inonosio luka itunga.

Ido arai ikekewadikak, ikalimonokinak, ikekejanakinak, etunganan loka Emoyo (luemaikina), luinyonyoikinitono, korai bon kosiomata Ebaibuli, ti mam kesi eumokinito nuinyoka ejaas aiswamaun, ti kejenutu nuerai ngin. Edeke itodolikin akekirot!

23 Aponi kiswamai akiro nukolosek, aponi kitodolikinai adwarasit. Aitajario mama ejai akwap ajai adolun, apaaran nakapolon naedarito inabin kere. Kere luajaas toma atesin ajaas idarito kanuka apaaran kangin (ikatuan, koomom bere ijo ngun), kere luatwakito, kere ikadolitok nuka aokot nuka kalu atwaket kede inabin.

Ne da, abu nges kocelar, "Yerusalem O Yerusalem, ijo na ibu kibiribir edio nabi kere loabu eong keyuk mama kon, kosodi aiara lukalaunak, irwanadi abu kepudar airukum yes kwape iswama akokoro, ikemio, konye mam ijo ipedor. Konye kwana adolu akonipak."

24 Idiobore kere yenajai toma ates, Aburaam, Isaak, Yakobo, inaabin kere, ajaasi idarito apak na.

Ido amudukana Ekanisa mama ajai ngin. "Ingai bo lo eyangaunit acelantar na kere? Ingai bo ekesa lo?" apotu kes kolimutu kadiope pak, "Mam kereka erai okoku loka ekeon abao loejai ne? Kanukinyo, mam oni isesen nges erucokina kede edio kotoma osomerio wok. Mam oni kijen ediotabo loisisiat nges kotoma. Ingai bo do lo?"

Arai nges abongokinet naka abwaranut naka inabin. Kane abu nges kobu, ibwanenit ikoku yenika isigiria. Eipone loka aisupario! Ajai Edeke aitodolikin akirotokoke naka aisumunet, apak nabu nges kidarite adaun ikaru akwatangon. Kotoma ageun, esula louniet kedeekekoro 15, adaunit Edeke ainakin adwarasit, "Aunaka aberu idecidec akou naka emun, konye ebuni nges da aitodo atitibat ke," adwaranut anatar Ebaibuli naponi kodaunitete aidwara naka etunganan kalo abunere.

25 Ida kane eyapieie apak abu enabi kojai loabu konyou kokiding kec, loda arai enabi loetodiaritai, Sakaria, ido abu nges kotema, ebe, "Yes apesur nukoYorusalem kede yes apesur nukoSion, kiyalamikinos, kocelanos, ikarioto, ebunit ekabaka kus mamakus, itasono ido kiyapepera, ibwanenite ikoku yenika asigiria."

Ido kane itunga ngun luapotu kosiomito ikokoron ngul, apaaran kede apaaran, apotu kosesenoto nges ebuni ibwanenit kotoma, ido kiworoto, "ingai bo lo?" kiany? Edeke itodolikin akirotokoke mama ejaas itunga luda ebusakinit ajenun ibore yenarai nges, konye mam apotu kojenut ngun.

Netodolikina Edeke akekirot, eyangaun duc nges ibore yenisupun, iswamai duc nges kwangin. Eswamaun nges nuisupete, kanuka ngun irai ibore yenitegelikina. Itegelikina noi, neitodolikina nges akirot mama ejaas lukacoa luka apak kangin, narai lukacoa luka apak mam iyuunete ngin. Ejaatar kes eiponekek

ikulepek.

26 Kwana, kianyuni oni, ido abongosi bere kau kotoma kanuiwadikatai ido kayangasi bere ice kotoma oboro luitegelikina, bon adaun adakikan adis, neitodolikina Edeke akedwarasit. Nelimuno Edeke ibore ice, elosi nges aswam ngun. Akuju kede akwap kere edaunos, konye akirot mam edaun. Aso eyangaikin duc aitodiario, atakanun naitegelikina.

Koany eipone loitetiar akirot naka Edeke kama ejaas itunga luibusakinit aiyuun nges, konye korai kereka naitegelikina apotu kes kodelosi, "Eebo, inyo bo yen? Aibo idumakin ijo iboro ngun? Ingai bo lo? Inyobo yen?"

Konye, ebusakinit ti kes kocelanos, "Osana mama ejai Ekabaka loebunit kokiror loka Ejakait!" konye ajai bon ikodet yenadit iswamai ngun, bon ikodet yenadit.

Kanuka adwaranut naka ikaru ilukumin iwongon, kanuka ibore yenikaumokin yenapedor aiswamaikin akwap, narai amuno kere naka kalukatwak eyengunit kotoma kangun, ngarene kere eyengunit kotoma kangun; ido itunga luka idinin, luanyaraikina ebe iyuunito ngun, ajaas iworoete, "ingai bo lo? Ido inyobo aisupario?" ibore ice yenetegelikina! Nepetai yenaputos, mam ngin ijulakin, kwana aitegelikina.

27 Kwana kaanyutu bere oni ice kotoma oboro luitegelikina, kwape adaunitor eong alimun. Nanyoen bo aisupario nepe eroko atubokinio kinoma akwap kosodi amudiar nges kede akipi? Etunganan loamojongit, nepetai ikaru akwatat kede akaisarei, eduki ataker konye kereka komameete akipi kanuka ataker aikalelitoi kotoma. Kangina adau ikaru, ebwoi kotoma okek, eduki erot kiton toma, kotomake, kinami nges toma kiton kinga, ido kobala, "elosi ailikor akwap kede akipi," atur nakapolon naka science.

"Nanyoen bo aiworotoi naejai kaju moru ngina?" kanukinyo, erai ngol epolon ece loenyaritai Noah, ido ejai nges kaju ngina, emojong loemunara akou. Abu etunganan loamojongit kobwo akolong adaun aojau. Amuna nges akolong. Amunar nges akou. Ido ejai do kwana nges aiduk idore yenyaritai ebe ataker, 'ido kobala ebe eponito akipi kokuju kangina nemameete bobo akipi da, ido ebe elosi nges aikalelitoi kede itunga kanen; ido idiotunganan kere yenimam epedor alomun ataker ngin, elosete akipi ailikor. Ipupunitor kerekaa ijo ibore eipone kangin?" arai nuesuparete ido itegelikina!

28 Koumok bere ijo neipudatar itunga akwena najokan, apotu kolototp kiton ngina kosodete aibwo kokek loka ataker kosodete akweniata. "Kanukinyo, ibala ijo ebe ebuni aitepe ikaru akwatat kau! Abu Papaka kalimokinite eong ebe abu nges kiirarite ijo ibala ebe abuni edou aitepe, iroko kereka ijo ijai ainomo abao nu kokuku kane. Kanukinyo mam ijo idolokinio toma ajarakon?"

Arai Edeke ejai akapakin aitogogong aisumunet ido aitodolikin adwarasit nainakinit enebike. Arai naetegelikina noi! Edeke itodolikin akeisumunet mama ajai Noa, konye luce kojaas ekwenas. Konye kojai Edeke da akapakin kanuka aiswamaun akiro aitodikin luce, karaida lolo, ebe idarit nges akekirot! Mam ace eipone loesubitor bala mam erai nakabeit, ido naemamete kede apolou, konye eroko nges kidarit akekirot. Ajai nges ainakin kwape naanyunet, kotoma etunganan ngol loamojongit kiticanitoi kotoma ataker, kanuka itunga kalu lukaMerica akuare na ido kere anatar akwap. Mam ace nuebala science, nuebalas kes, nu, ngun, arai kwa, eroko nges idarit akekirot. Ajai nges aiswamaun akiro numam edaunos.

29 Arai nanyoen bo aisupario apaaran adiopet; abu icebore yetegelikina iswamaun amoding, ido abu korai ekiot koanokei. Ido enabi loabu kokerite abu kojai ebwoi amoding. Mam nges eirarit edioroto, mam nges eirarit adioruo, konye abu nges kosesen kosodi aanyun ibore yenetegelikina kokuju naka emoru. Ajai Edeke airier aijeneke. Kwapekwangin kiton lolo!

Ajai Edeke akapakin aitodolikin akirotok, kotoma enabike Aburaam, "ebuni aurikon arai apejonon kotoma akwap ace adaun ikaru akwatangon. Abuni eong ayangaun kesi kede akan nakapedor kere."

Ido ajai nges itemonokin etunganan kanuka aswam kangin, kwape ajaar nges itemonokin ataker kanuka aiboisit nakayudara kanuka ngul kere luiyuunete. Abu Edeke ibwaik akiotok toma akim, ido ekecokonike, Musa, abala, "abuni bere eong airimor aanyun ibore yenategelikina apolouke." Ido neadolokina Musa okiot, kogeun nges ainer kede nges.

30 Nanyoene bo aisupario najai Togo loka Pilato, neapotu ikecokoke kocakakinatan ebela kwap kosodi aluor araun emun? Edeke itodolikin aisumuneteke mama ajai Musa. Nanyoen bo aisupario najai angolol nakarengan, neaponi kitulumorere abalesin kere nuka Parao, neapotu kes koanyunata ekwamu ijesun kwap abunore kotoma akuju kosodi aitiak angolol nakarengan ageun okediany kiton teten; kosodi atukot naka iyanan luka ican, elosete kotoma aswam naka Edeke, atubor kotoma akwap naeonit? Arai inyo bon gin? Edeke idarit akekirot. Abu atwanit kiwotok awai, itunga lukajarak kes apotu kotuboros; ido itunga luatwakito kotoma omoyo apotu kotamakis aituput ngun, ido kolumosi. Edeke itodolikin adwarasit kede aiswamaun akiro numam epote adaun. Ngin nges aisupario najai toma angolol nakatwan.

31 Nanyoen bo aisupario nabu kojaun apaaran nakiaret akaulo naka ngin, komoru Sinai, neaponi kicorakinere itunga kere amamus aikunyakin angorocek, neaponi kicorakinere kes ailoto inapenenkec ido

aitalaun awatekec, kosodete atukokin airimor emoru neda ajai etunganan kotoma okiroria luka Musa abu kolimunitor ebe eriamuna nges kede Edeke kotoma opir loka akim? Ido abu Edeke kolimok Musa, "alosi eong adokun kwap mam ejaas itunga. Alosi eong aitogogong ngun nuab eong kalimokinite ijo, ido ibore yenarai eong. Alosi eong aitodikin kesi ebe arai eong Edeke." Arai ngin aisupario, Edeke itodolikin akirotoko.

32 Nanyoen bo aisupario adiophe paaran kotoma akiro nukolosek, neabu akwap adiopet kimurokina Edeke, neapotu itunga koraunata lukakuan ido kotiakatiak, neapotu isaseredotin kere kolomarata mama ejai ejautene loka akwapin, apotu inabinida kodwarata kotupitete akote naka isaseredotin? Ido kotoma apak kangin, kwape ejaar duc, ajaas kes kede etunganan ediopet loda aomito kes ebe arai loamunara akou. Abu nges kiner nuka angor anapit ipalei, ido idiobore kere, ido arai nges eipone loka ekesa loetegelikina. Ido ekesa lo lomojong abu kobunite kosodi alimokin ekabaka, "mam karaida akopio epote ajaunete...kiton newororia eong."

33 Ido idumun oni ebe, kanen, abu nges elopet kongopite kosodi akeret awai kotoma kangun, ido abu nges kongopo kanenice kotoma amoding. Aomito luce ebe katecepak eticanun nges da kiton atwanare ido abosia; konye abu nges kojai itanio jokan cut, ido kiton akipi, da. Ido lo kajai ne, kobu kosodi atemar atiar, "kianyutu kereka yes ebe ajaatar eong kede EBALA KWANATA EJAKAIT? Kwana, karai eroko yes icamuna, kalototo kwana kuju moru kasodete aitogogong ebe ingai bo Edeke," narai ajaatar bobo nges kede aitapoet ace kama ajai Ejakait.

Ebala nges, "kosekutu yes etem, ido kodukutu, ido—ido kosekutu imongin ido kotubutuboto kes. Abuni eong adukun etem kanuka Ejakait, ido kwapekwangin abuni eong da aibwaikin imongin toma loka. Eebo kere ainakin asubanit, ido kojaun Edeke loebongokin." Mam ti nges kiswamaata kwangin korai mam Ejakait icorakinit nges; abu nges kolim akaulo, "eswama eong nu kotoma...nu kere, kotoma aicorakinetekon, Ejakait."

34 Konye nanyoen bo aisupario? Ajatar nges kede isaseredotin akwatangon ebwoete kokuju moru, ido ekabaka kokuju kangina kotoma agali, kede ajoreke kere kede ikedarak ebwoete airimorit. Ido ekesa lo lomojong, loejuloikinit ereete, ikularar akekou, ido kojaas itima erapito kiton ekereet, konapite imukulen luka amerekekin, ido ajulo akuanake kere, ebwoi kangina kede ebela kotoma akanike, kede akinyet akanike adiopet; kosodi bon atemar atiar, ikaru iuni kede atutubet eroko ngun, "mam karaida akopio edounet kiton newororia eong kanukec," ayangar aboisit naka Edeke, kede iboro kwape aica kede itorubeit luka lukalaunak ido apotu kes kinerata nuekamunito. "Ido kane etunganan ngol lomojong ebwoi kane kokuju moru, eyangaun itunga lu kere ngina." Nanyoen bo aisupario ngin? Arai Edeke ejai aitodiar enabike kwape lokabeit. Arai Edeke itodilikin nuadwaritai. Edeke bobo iswamai akiro numam edaunos, aitodolikin akirot.

35 Ikaru idis akwatat akaulo naka ngin, abu kojaun etunganan loenyonyoikinitai kede emoyo kangopekangol, ido abu kolom kotoma amoding, komam erucokina kede ediorionget; karaida erai papake etunganan loka erionget, esaseredoti loka ainapeta. Konye abu kolom kotoma amoding, enapit emukule lokamerekekin, ajulo koreete ke kere. Abois naka araut nukakwanga araas nueriokok. Nanyoen bo aisupario nakaetunganan kalo nabu kisupa Yerusalem kere kede Yudaya? Ice kakesi alosete kosodete atemar atiar, "ejai etunganan loka amoding ngina. Etamit nges aitulum itunga kotoma akipi. Iingai iiraritor nuka ibore kwape kangin?"

36 Ice kakesi apodokinito kobala ebe, "iburai lo korai Mesea." Abala ediopet kakesi ebe, "ekoto korai ediopet kotoma onabin." Mam kes ajenete nuebusakinit aoomoom. Konye arai bongin inyo? Arai Edeke itodolikin Isaia 40, neda abalar nges ebe, "koany..." nuebusakinit nges aswam kotoma apaarasia nukawasia, eipone loiyakuna nges ekebulesit kede nuebusakinit nges aswam.

Neidumunia oni ebe, isabitin idis akaulo naka ngin, etunganan ngol kwape loainakina mama ejai akeisiraret, abu nges kotema atiar, "ejai ediopet loebwoi kokiding kus, akemuka mam eong ebusakinit alacun. Ibatisai ngon yes kede Emoyo Lokalaunan kede akim, kwape kebatisa eong yes kede akipi."

37 Adiophe paaran etunganan, loadit, nepetai loka ikaru akaisaun luka apolou, koloto ido aponi kibatisai. Ido nekebunga etunganan lo, abu kojau aisupario mama ajai enabi, abu enabi kwam nuetegelikina apaaran kangin. Mam atukos abu kopala asesen aswamisio nuka enabi.

Nepe ejaar nges epegasi kede isaseredotin karir naka acilet, abalas kes ebe, "Abu Edeke koduk etem lo. Abu Edeke kolimok isio aswam nu. Musa nges erai enabi. Iyuunit isio Musa. Mam asubanit engetakin."

Apedor eong apupu Yokana ebongokin, ebe, "Mam kereka yes kiirarito kotoma kanuwadikatai nuabala Daniel enabi ebe, 'abunio angetakin asubanit naka kanginiparaan'? Ido esawa ngol adau adolon! Mam kereka yes isiomito kotoma Isaia esula 40, eporoto loka kangol kalo iworoi amoding, itemonokis eroto loka Ejakait? Ejaas adwarasia aarei kanuka. Icebore bobo, mam kereka bobo yes imisikinito enabi kus ikaru akwatangon kau, Malaki, neabu nges kinerar kotoma osula 3 kosodi atemar atiar, 'koany, eyakuun eong ekiayakia kingarenika, aitemonokin erot'? Mam kereka yes ijenet ebe itololikinit na nuedwaritai?" adau

aitodolikin nuedwaritai!

38 Ido nepetai kosawa kangol abu enabi kibelokin kosodi atemar atiar, "koany, koanyutu imerekek yenika Edeke yenelemanar arokisio nuka akwapin!" kwana arai ngin aisupario? Ejulakin Kama ejai enabi kiton mama ejai adwarasitike.

Kwana koany nuapotu kotakanut. Kane kobuni etunganan lopetai, loamamei idio yen ajeni, okoku loka ekeon abaoi, kobu elosi kotoma akipi. Neabu Yokana, enabi lokapolon, kotemara atiar, "epuda eong aibatisao kamakon. Kanukinyo ibunio ijo mamaka?"

Ebala nges ebe, "kocam ngun kojaunos kwangin. Konye, kwape alimuno enabi akirot, eyangakinit oni aitodo adolot kere."

Aso abu nges komisik ebe asubanit ayangaikin ailotario eroko nges einakina, ido abu nges kibatisa nges.

39 Kwana ajai bobo aisupario ace nabu iswamaun nekedolio nges toma akipi. Enabi lo loabu koinakina aitejenun aketur kede apak, abu kosesen akuju kosodi aanyun akuju engar. Abu koany Emoyo Loka Edeke, kwape ajele, ijusun mamake ido kede eporoto ebala, "lo nges okoku ka loalelakinit." Ajai Edeke aitodiar aisiraret naka enabi, inyo bo ekamarit aijen kotoma Yorodan.

40 Abu onac kowoite apak edit kau, arai ebusakinit nges awoikin, "kotoma koukono kane elwana abwoi emusalaba lomojong." Nanyoen bo aisupario najai moru gologotta? Ne kianyunia akwap naka edin apotu kitoronata nges, ido apugan naka iromayon abu kotubok nges atwanare. Ido kane ajai nges ikaja kokiding naka ikiliok iarei, ilipito imatat, aokot kolelete akuanake. Kanen ekaja nges, komony, "Ekadeke, Ekadeke, kanukinyo kijalia eong?" ido itunga luka idinin luabwoete kane, esesenete ngun, komam kes ejenete ebe aitutuket namojong aponi kitodolikinai kangina kotoma Gologota apak kangin.

Daudi elopet nges ewadikat, aswamisio...apotu kolomas toma omoyo kwape inabin kere, abu nges kiswam bala arai nges. Abu Daudi komonyo, kotoma osabuli loka 22, Ekadeke, Ekadeke, kanukinyo kijalia eong? Akakojo kere asesenete eong. Apotu kesi kicumata akaninika kede akejen." Daudi, inera bala arai nges. Ido mam arai Daudi, arai Kristo kotoma Daudi.

Ido kanen adwarasit nape abu kotakan, nuka inabin kaluagitigita, aponi kitodolikinai kotoma abelekek naka akou? Edeke itodolikin akekirot.

41 Acesupario ajai, ajai kotoma apaaran nakopetekoti, neapotu kesi kere kojaatar nges toma ainumunum naka edin, karaida edaunito kesi alear idiobore kere yenaomito kes ebe arai aibilerikinit. Mam kes eirarito bobo kamakec adaun apaarasia atomon. Ido kanepakanen, kwape amolig naka ao, apotu kobelunos kotoma agola nakokuju, kinga kiton ogudo, ecelararos kede aiyatakinit ngaren.

"Inyobo yen? Inyobo apolou kanu? Eraas kereka lu kere ikiliok luemeraas?"

Kosesen! Kosodi eniba anyoun kokiding kec, kwape ejaatar ainapeta nuka inabineipone lo ejaatar, ido kosodi atemar atiar, "yes ikiliok luka Isirael, kede yes luiboyete koYudaya, kotoma Yerusalem, kojenutu lolo ebe, ido kiiras akakiro. Mam luemerar kwape kiwomitotor yes. Konye eraas nu nuenerit Ejakait kama ejai enabi Joel, ebe ejaun kotoma apaarasia nukawasia, abukokin eong ekamoyo mama ejaas awate." Ngin nges arai aisupario.

42 Itunga luka idinin, akaulo naka aibubuikin ekabaka loka aijar, kede idiobore kere, konye koroko eanyunia aisumunet naka abunore naka Emoyo Lokalaunan. Aisupario, "Ingai bo lo? Nanyoen bo apolou akiro kanu? Nanyoen bo ationus naka itunga kalu?"

Oo, Ikatuan! Erai apaaran naeputo. Ilokony oni da nuipe kotoma kanu kanuka ayangaun ngun kotoma osawa lo. Ibore ngipengin nges ejai lolo. Ibore ngipengin nges iswama. Aingiset ngipengin nges ingisitai. "Nanyoen bo acelanar ngin?" kosesen bere ijo toma ogudo, amotokan kotoma Michigan kiton Florida, anyoun Maine kiton California. Atupuruc na neajaar eong alosi kokinga, arai paraan, kijai isio kilosi ogudo, aberu kede eong kasesenete apapulai nuka imotokan. Nen nges abu eong aomoma nuka akirot kana.

"Nanyoen bo apolou kanu?"

Bon kwape ebalar ebe, "nejai akuan nakatwan, nen nges etukokinos imorukalen."

43 Abu eong katema akaberu atiar, "Naminat, iitunit ijo akuare natubor neabu eong katemara atiar yoga do mama ajai idio bore kere yenasubit bala ajokuna kama ka kotoma akwap kana, kasodi alosit toma alaro ageun icebore yen abala Edeke ebe iswama? Abu ijo kowo ekosio ngon."

Oo, epote kes okide kiton to,  
Epote kes kotoma kwapin nuelwaka,  
Ainumunum kede ekabaka, ainyama kwape ikepejok;  
Eipone loisirerengitere ikalotok lu!



Asesen akonyeneke  
Koraparite amina naka Edeke;  
Ikerumak luka akesianut luisirerengitoi,  
Kwape aica nakotoma aboko.

44 Ngin nges arai aisupario ngin. Ikinyomit yenika Edeke yenesekunutai sek yen mam epedor aswam idiobore konye atupar ngun, nuedeparito aijar kamawok. Koyanga aijarawok, mam siri kilema ngun. Inyobo aisupario? Edeke, kwape duc, kitodolikin akekirot. Ejai nges itodolikin akirot naka Sakaria bobo, naka enabi Sakaria.

Neabu eong asiomuna ekokoro 9 apak edit kau, nealomara Yesu eyekalu, ibwanenit...arai Alomar Yorusam, ibwanenit isigiria yenadit, abu adwarasit kitodolikin nuaba Sakaria. Nges na kane, "Kiyalamikin noi ijo apese naka Sion! Kikalal, ijo apese naka Yorusalem! Koany, ebunit ekabakakon neijai: erai loedolit ejaas kaitajario; itasono kibwanenite da isigiria itaok yenika asigiria." Ngin nges arai aisupario najai Yerusalem, kotoma aboisit nakapolon naka edin.

45 Kwana kisesen oni apaaran nakawasia iswamaun! Kwana apukos bere bobo apapulai adia, kotoma Sakaria, esula 14, ido ageutu kede ekokoro 4, ido opupok! Ido kilosi asiomun atutubet naka kanuiwadikatai, nepetai ikokoron ikanykangon, ageun 4 kiton 9. Kopupok ejok. Ido ejai aidwara nuka abunoreke, apaarasia nukawasia. Kopupok kede adunyanut kwana. Erai nu ebe EBALA KWANATA EJAKAIT. Eraas lu ikokoron, Sakaria 14. Kiiitunite Sakaria 9, nuabala? Ido mam kes apotu komisikis ngun. Ido inyobo ejai lolo? Sakaria 14, inera nuka abunoreke.

*Kapaaran kangin ebwoete akekejen komoru loka iseitunin, loitei Yerusalem kari nakokide; ecila emoru loka iseitunin kokidinyike kari nakoto ka ari da nakokide, ejaun aditot naepol noi; enyoun atutubet naka emoru aibe ari nako agolitomei, ka atututeke ace aibe ari naka engalakimak.*

*Ikerete yesi da kaditot naka ironganake, narai edoli aditot naka irongan Asel: eebo, ikerete, kwape ikeriata anyoun kamanan naka akwap kapaarasia nuka Usia ekabaka loka Yuda. Kosodi kanen ebuni Ejakait Ekadeke, ka lukalaunake kere nepepe kanges.*

46 Amaran ace bobo naka akwap etiak kede apukor akwap! Karai ikoto ijo atupakinin nuiwadikatai kane, komisik bere bobo kotoma okokoro 5, ikamunit bobo ngin ebe atiak naka emoru loka iseitunin kanuka amaran naka akwap, ido erai na naitogogongitoi kotoma Isaia 29:6 kede Apukokinio 16:9. Kotenan! Inyobo ngin? Enabi ngopengol nges abu kinerite abunoreke nasodit. Komisik, "kwape ajaar kotoma apakio nuka anaran naka akwap." Koany nuiswamaete amaran naka akwap? Koany nuedwaritai kanukec?

*...ido ebuni EJAKAIT Ekonideke, ka lukalaunakke kere nepepe ka jo.*

*...Kosodi kanen kapaaran kangin, mam ejaun aica kaimiliaun karaida amuton:*

*Konye eraun apaaran adiopet naejai Ejakait; mere apaaran, mere akuareda: konye kanen do ejaun aica ebong.*

O Edeke!

47 Konye kanen ejaun aica kotoma apak naka atibong, inabin ice, kedeitunga eraas luemudukaka! Nanyoen bo aisupario? Eyatakis bere bobo ikokoron idis.

*Kosodi kanen apaaran kangin, elelearete akipi nukajarak anyoun ko Yerusalem; atutubetakec ebeete angolol nakokide, atutubetakec da ebeete angolol nakoto: ejaunete kamu, ka aiporo da. (Eijir elosi ngaren; kere oyudayan kede Imo.)*

Eraun Ejakait ekabaka loka akwap kere: kapaaran kangin eraun Ejakait ediopet, ekekiror da ediopet.

Ejaun aica kotoma apak nakatibong, (abeit!)  
Erot lokabeit kotoma abeit idumun ijo;  
Kotoma orot loka akipi, nges ejai aica lolo,  
Kinukio kotoma okiror loka etia loepol loka Yesu.  
Ludidik ka lukapolok, kitoronokinos kotoma arokisio kus,  
Kotoma abeit emomun Emoyo lokalaunan toma;  
Adolu aica naka atibong,  
Erai nakabeit ebe Edeke kede Kristo eraas ipe.

Koany nekwana kijai oni?

Etiakatiakas akwapin, ejai Isirail akwenyun,  
Anyuneteta nuadaunito inabin ainer; (ebe amaran naka akwap mama ejaas imo kotoma apakio nukawasia.)  
Apaarasia nuka imo imaritari, kede alangurusio nuipu;

"Kobongutu, O, yes luingeritoi, mama ejai lokus."

48 Yes luipetoritai kinga, ido ataker kayangar kotoma agalin nutetiak, konyoutu kanen, eroko atwanare kinoma yes. Adau Edeke aitogogong ngin. Ejaun kwangin.

Kwana apukosi bobo mama ejai ekokoro ece kotoma atutuket namojong, Malaki esula 4, kasodete asiomun isulai 4.

*...Koany ebunit apaaran, esaran bala eupu; ido eraunos luituros, kede luiswamaete aronis kere kwape arian:..*

Kwana, mam na erai, erai ngin Malaki 3, arai ngin abunore nasodit, kwana kane erai abunore naetupakin. Karaida doctor Scofild kane, mam eong acamanara kede nges kotoma kanu iwadikat nges, konye ejai nges toma okokoro kokinga kangina ejok. "Nuecorakinitai Yokana," kotoma Malaki 3; ido, "abunore nakiareit naka Kristo," kede Eliya eroko edoluno. Ejokuka.

*"Koany, ejukuni ekiakiyaka, itemonokini erot kakonyeneka: ido Ejakait, Loimoete yesi engesun abunore oyekaluke; ebala Ejakait loka ajoresio ebe, koany, ebunit ekiyaka loka aitutuket, loilelakinito yesi.*

*Konye ingai bo etitingikin apaaran naka abunoreke? Ingai cama ebwoi ketakenu ngesi? Narai esubit bala akim naka ekeliliaunan, ido bala asabunyu naka ekapwatunan;*

*Iboie rwaru kwape ekeliliaunan, eketesegaran da loka epuesa, itesegari odwe luka Lebi, egelemari da kwape esabu ka epuesa; ijanakinete asuban neejai Ejakait Kotoma adolit.*

49 Ne nges ejai abunore naka Eliya.

*Koany, ejukakini eong yes Eliya enabi...*

Ikokoron lukawasia luegolokinito aitutuket namojong!

*...ejukakini yes Eliya enabi eroko edoluno apaaran nakapolon naka Ejakait:*

Kwana, mam ngol erai Yokana. Mam. Kiany, eroko kinokara akwap ido okadolitok alosit kotoma okuron loka ikaronok. Kiany? Mam, mam.

*...eroko ebuno apaaran nakapolon naka Ejakait:*

*Ido ibelokin nges itauno luka lukapapa mama ejaas idwe, ido itauno luka idwe mama ejaas lukapapa, kenyek eong abunore aidany akwap kede ekenit.*

Koany abeitonut naka Emoyo, ebe mam nges apedor aitolikin abuneta ngun aarei nuka Eliya. Malaki 3, ebe, "koany, ejukakin yes ekiyaka akonyeneka." Aponi kingitai Yesu nuekamunito Yokana; abu nges kotema atiar, "korai yes kijaunete ngin, lo nges lo enerito inabin, "ebe ejukakini yes ekiyaka akonyeneka." Erai loka Eliya loebusakint abunore." Malaki 3.

50 Koany nuiwadikatai kotoma aitebeikina ainakinito ngin. Komisik ibore yenerai ngin...aitodikin kes... aitodikin...ngun luekotos aiyuun, ngun luekotos aanyun. Kiiututu, abu Yesu kobwou kokiding naka ekokoro, narai atutubeteke abu kitodoliki kanen, ewai loce loka abunoreke nakiareit? "Alimonokin ekaru loitemokina loka Ejakait, aidere luebilil itauno," kosodi abwoun; mam "ayangaun atubokinio mama ejaas imo" aitodol abunoreke nakiaret.

51 Koany ijo ikekokoron kane itodiarito ngin. "Ido nges, Eliya, ebuni aibelokin itauno luka kukapapa mama ejaas idwe." (Kwana inera nuka Malaki 4, sirikinyalak ngin, arai Malaki 3.) Yokana, Eliya, loda abu kobu kotoma apaarasia eroko abunore naka Kristo, abu kibelok itauno luka lukapapa lumojong mama ejai aisiraret naka idwe, aisiraret nakitetet.

Kwana koany. "Ido itauno luka idwa mama ejaas luka papa." Kotoma abunoreke nakiareit, kotoma apaarasia nukawasia, inyakar nges mama ejai aiyuun naka ikiyaka bobo. Kinay eipone loibecokinar ngin toma kanuiwadikatai ejai toma okokoro?

Arai ngin angetakineta naka aitutuket kanamojong, aitutuket namojong. Kwana kisesen oni ebe ejai aica kotoma osawa lokatibong. Inyobodo ngin? Erai nakokuju, kuju naka ekitoi.

52 Kwape alimunitor eong atupuruc na, kitorunit oni toma oriongeta, toma (Mere ekitoi loka emucuga) kwape eneritai eong atupuruc na, konye kijaun oni kede araito naeripop, enimu, iponesio kere luka iceboro luma ajaas kwape ajar kotoma ageunet nepecepeda. Konye akaulo...sirikitwania ngun. Kane adolu kwana nges. Akaulo nadaunata iriongeta kere abolia, amameotor kesi kede adio aica nasodit bere, ejaun apaaran namam eraun apaaran arai akuare.

Nuinyoka iswamaete kes? Nuinyoka iswamaete kes? Nuinyoka iswamai enimu kotoma okitoi loka

emucuga? Eyangar nges aijar alopét naka emucuga naebunit kosodi aitapar nges mama ejai enimu. Naelomunit kosodi aitapar nges mama ejai enimu. Ngun nges eswam erionget mama ejai akirot naka Edeke, aitarauñ akirot naka Edeke naemamei ajokis kotoma oionosio erai ngin ebe EBALA KWANATA EJAKAIT. Etolomutu kes inumun, araito naeropot, mere imucugai.

53 Konye nuinyoka nuabala enabi? Ngopengon loabala kotoma akou naka akirot wok akuare na, "Kiyalamikinos, O apesuru nuko Yorusalem, kocelaros noi, apesuru nuko Sion, narai ebuni ekabaka kusi mama ijaas, itasono kede ayapepera, kiboyei kotoma ataok yenika isigiria," komisik enabi ngopengon abala, "Ejaun apak naka aisaka." Ejai kwana akolong toma akwap kanuka aitiono araito. Kanukinyo mam nges etionia. Konye eroko aijar elosi ngaren.

54 Itorunit nges toma araito naropot, kanuka araun emucuga, adumun nges etukokina; arai araito naeropot. Abu koloto bobo, abu kolom kosawa kangol enimu. Koloto bobo, ijulakin bobo araun icebore. Ido awasia ke, kuju naka ekitoi, abu ijulakin araun atangelo, loda erai atutubet naka emucuga, atutubet enimu; abila nainyalakina, ibore yenitaparitai; adolokin toma aitaparario, aijar kotoma okitoi kangopekangon; agugu, "Nepetai aitapar koton luseuna." Eputosi bala emucuga, konye mam erai.

"Konye ejaun aica," epolor nges noi adepar iriongeta. Edolok nges adepar iriongeta, ecaun nges bobo, erai bobo nges emucuga kwape ajar nges sek nepelomar toma alupok, kanen ejaun bobo aica.

Nanyoen bo aisupario; inyobo iswama? Aitodolikin akirot naka Edeke. Ejaas ikakajenak iarei luka aitutuket kanamojong, luibusakinit aiswamaun.

55 Kayangasi bere Yokana 14:12 loka aitutuket kanaitetet, abala Yesu ebe.

*...ngin yen keyuuni eong, iswamai ngesi da aswamisio nueswamai Eong;...*

Bobo, kotoma Luka 17:22 kiton 30 ebalala ebe.

*Kwape kwangin kwape kejaatar kapaarasia nuka Lot; eroko Sodom, inokokina, kwape kwangin ejaunotor kotoma abunore naka okoku loka etunganan, apak naepukorere okoku loka etunganan.*

Oo, bon osesen bere ijo nuiwadikatai! "Okoku loka etunganan," Yesu Kristo ngopengon bian lolo kiton ikaru kere, apolor adepar iriongeta, apolor adolior kuju naka ekitoi. Nuinyoka abu nges kinerite kotoma Yokana 14, arai 15? Adiotenu kere naejai tomaka, namam eyangaun araito, abuni eong ajepar awai aigwerar, ecakakinio akim ido icweario. Konye adiotenu kere nada eyangaun araito, ebunio aigwere."

56 Oo, ebuni ajaun edou lokabeit loka aiporo kede akamu kotoma apaarasia nukawasia mama ejai ikodet yenedit yen abu kobu kede nges kotoma asigiria yenidid, iyapara ido itasono, emamei edin...arai erionget, iworoete, "Hosanna mama ejai ekabaka loebunit okiror loka Ejakait!" nanyoen bo lolo ationis? Nanyoen bo aisupario naejai Moru?

57 Mam apak eoja, abwoi kotoma olutar, abu Emoyo lokalaunan kotema atiar, "Edolun apak nabunio eong asukunyun etube kiton Togo kon; epote kes aisukunyun erutekon. Tetera, ibuni ijo ailokony ngin, mere anyunyura." Abu eong kaany eruteka ebilar kosodete aiperikin epuwai loka eukot. Abu eong kaany erongat koingarenika, kere kobokarai, apadei kede iceboro eperete kanen neabu icebore korutoranges awai. Abala nges...

Abu eong asesen ajai Ricky yenidid abu nges kodol ngina kosodi aikungukung korute kokinga, kiswama nu. Abu eong katema atiar, "Kanukinyo mam ijo ilimokinia ijo eong?" abu nges kojaun ibus kamaka, ido abu eong kenom nges. Ido neabu eong eswam kwangin, abu eong katema atiar, mam eong eswamator nu ageun neabu eong ajaar aiboisio nuenangere emakode, konye bon akoto eong ijo ajenun," ido abu eong kanang nges atipet. Ido neabu eong kanangia nges kwap, abu bobo eong ekeu nges kasodi ainanga nges bobo kiton kwap. Abu bobo eong ekeu nges, irwanaun karai aongon, kasodi apetor nges aikalam eukot. Kanen abu eong kaloto ngina, kasodi atemar atiar, "mam ngin erai naejokuna." Abu eong ekeu nges kasodi ayogan akekan, atemar eong atiar, mam eong anyunyura kede ijo, konye akoto eong ijo ajenun ebe mam ijo ipedor ainer kede eong koipone kangol."

Ido nebelokinor eong abongun, ajai Emoyo lokalaunan ebwoi kangina kotoma orute, ebalala ebe, "kwana ilokony nu. Nebilakinere ngun kwap ibelokin to."

Eitabo lo, idiobore yenepuda eong,

Eitabo lo erai loiteten,

Erot loitodun eipone loirimoret kau naka akationis. Amen!

Ido eitabo ngon nges akirot, ido akirot nges Edeke. Kilokony ationis kon, elimokin nges ijo nuibusakint aswam.

58 Ikaru iuni kau abu eong kajaatar kede epaperoka, lokepiman eibuga, iboyei nges eiduny kede eong, ejai aipirokin epir kwap. Abu eong kaloto kasodi atemar atiar, "Inyobo ationis, Mud?" ejakait. Okoku loka ekabaka, opaperoka.

Ebala nges, "Billy, elosete kes anyaar erot."

Iitunito yes kere. Abu eong atema atiar, "Epedor katicepak korai edaraca." abu e"ng alimok Onac Wood, abala eong ebe, "Kidar ikoniboro. Katicepak epedor edaraca ngol adolun kiton ne, icebore." Aponi kobilai erot lodid; amatapalin, amoru, aponi kocakanakina nediodkere. Kanen abu nges kotema atiar, "koting ikonibore." Ido neabu eong...

Ejakait. Ekabaka abu kalimokinite eong ebe apote ngun aiswamaun.

Abu eong kaloma toma, kasodi alimokin aberuka kiboyei kangina, "Naminat, ejai icebore yeniwadikatai yenikamunit ngun. Erai ngin ebe EBALA KWANATA EJAKAIT, kanenice."

59 Abu eong kaloma toma kasodi alemun ikatabo, abu eong kasesen tomake, kasodi eong atemar atiar, "Ebu ajaun ebe..." akaulo naka ikaru ikanykaun!

Ido neabu eong kasesena tomake, abu eong kalim, "Erai kwana apak, Naminat, ekoto kwana oni aibelokin to."

Apaarasia aarei akaulo nakangin, abwoi kotoma agola nepetai isawan iwongon lukatupuruc, abu eong kaloma toma omoyo loka Edeke. Abu eong aanyu aputo naka ajele eporitoi, etakan bala ikweny. Kiiunito yes ngun. Abu eong kaany imalaikan ikanykarei kotoma aputo naka atunuru, epote kitebeto mamaka. Kobalas ebe, "Kibelokin ari nakoto, kolot kiton Tucson, nepetai amairon akaisangon ari nakagolitome. Ido ibuni ijo ajaun idotonor enyekimon," arai bo itidok, enyarito kes nges kangina, "Kotoma ogoen kon."

60 Onac Fred Sothmann, iboyei kangina ejai esesen eong kopekwana, abu kojai ngina atupuruc ngin. Emurokinit eong ngin.

Abu eong katema atiar, "Airetunet abu kojaun bala amaran naka akwap, nada abu kijanga nepetai kanginibore kere yen abu kojai akwap kangin. Mam eong ajen eipone loti epedor eitungan aiku kotomake." Abu eong akurianar. Abu eong kabwoi kotoma Phoenix, yes kere luipupete kopekwana ipedorete ainakin ajenanut. Abu eong kalimonok akou naka akirot, luipa, nanyoen bo apak? "Aibo ijai oni?" abu eong kalot to. Luipu kayes kane ijaas kede ateeep ngin, luipukayes iirarito ngin ebaa ebe, ekaru karaida adepar eroko ngin iswamauna.

61 Abu eong kaloto to, aumokinit nualosete aiswamaun. Adiopepaaran abu eong adum anyarario kama ajai Ejakait. Abu eong alimok aberuka, abu eong atema atiar, "Naminat, nepetai angetakin aswamuka." Mam eong ajen. Abu eong katema atiar, "Eong...Edeke, elosi Edeke arikan kede eong kwana ido abu eong ajaun alosi ore. Koloto ijo kede Billy, koyangas idwe. Einakin Edeke erot kanukus, ediopone kere. Koloto ngaren kosodete ajar iras lumunon mama ejai Edeke. Koanyutu ebe elosete idwe osomero, kitopoloutu kes koraas lueyongito Edeke."

Ebala nges, Bill, mam ijo ijen ebe erai ngin nakabeit."

Abu eong alim ebe, "Mam. Konye mam etunganan epedor aiku ngun."

Adiopetupuruc abu Ejakait kitekweny eong, kobala ebe, "Koloto ngin toma Sabino Canyon." Abu eong ayanga apapula adio kede ebaibuli ka.

Ebala aberu ebe, "aibo ilosi ijo?"

Abu eong kalim ebe, "Mam eong ajeni. Alimokin eong ijo arai abong eong."

62 Abu eong kaloto kiton Canyon, adokar kuju kiton neaporata imorukalei airimirim. Abu do eong ajai asesin adubu ace ebwoi kanen. Abu eong akukokin kwap ailip, kasodi arior akaninika, kosodi ekileny ainom akakan. Abu eong asesin arimor. Abu eong aomite, "Inyobo do ngin? Mam eong ajai kinga naka akakuan. Kane ajai ekileny toma akanika; ecai ido kimilia, kililia kotoma akolong." Abu eong katema atiar, "Kwana, emameete itunga amairon kamaka, kangina kotoma Canyon kalo. Aibo do kebungo na?"

Abu eong keira eporoto ebala ebe, "Erai ngon ekileng loka ekabaka."

Abu eong katema atiar, "Ekabaka aititing etunganan ekileny."

Nges, eporoto, abu kobong bobo, ebala ebe, "Mere ekileny loka Ekabaka, konye, 'Ekileny loka ekabaka,' Akirot naka Ejakait." Ebe, "Sirikurianar. Erai bon Airiunet nakiuniet. Erai aitodiaret naka aijanakin kon."

63 Abu eong ajai alosi ameja kede epapero, komam ajeni nualosete aiswamaun.

Kosodi icetungan aiworokin eong, ngol loabu koinyanak eong kanuka aputo kangin naka emalaika loka Ejakait, ngol loabu koyanga nges. Ayangaikin eong alosi kiton Hoston kanuka okokuke, narai ajai nges elosi toma okokoro loka atwanare, ido alosio aira nges kotoma apaarasia adis. Ido abu nges kiriamunos kede eong kangina kosodi atunar eong, kosodi atemar atiar, "Koomoom, etunganan lopo abu koinyanak abu kobu ebe koyu okokuka!" abu atukot naka Humane koinakinite eong ibore yenanyaritai ebe Oscar, arai eipone kere loipedoria ijo anyarit nges, kanuka ayunia aijar.

64 Kasodete isio abongor, abu eong kaloto kuju moru kanuka ameja. Kangina, Onac Fread kede eong, atupuruc adiopet neabu eong kalomunia kinga, ido adaunit eong adumun akanapito, ido abu eong asesen kasodi aanyun aiboisit napotu kesi koloto. Abu eong katema atiar, "Onac Fred, koloto toma Moru ngol tupuruc sek kwana, nepetai aiwalarete naka akwap, alosi eong da mama ejai ediopet ye. Mam eong apedor ainom eputir, ma aiara nges. Konye karai egeutu kes kowai kalo, esipan ngol, abun eong ainom ngarenikec kanuka ainyakar kes kau."

65 Onac Fred abu koloto kingangina ido amameete iputiro. Abu nges ekeik eong Akan ido abu eong kaany. Abu eong kaloto toma Canyon, apany ace naedul, ajai akolong aikeun kuju. Abu eong kerimo epuwai naka eukot, komam aomomoi idio bore yenekamunit nuadwaritai. Aiboikin kwap, kedarit, ajai aiyengun; abu eong kenoma, "inyobo eswamaikin ipegei ngun?"

Abu eong kalem eka...asipokin kwap kaiswamata Indians, ijen ijo, ailokonyikinit akeje. Abu eong kasesen akejen naka emorimorika, ido ajaas itidoko. Abu eong kagei adotonor. Abu eong katema atiar, "Erai ngin naitegelikina! Kwana ne ajai eong, nepetai amairon akaisangon agolitome kide naka Tucson. Ejai ikatelepat yenidid yena Joseph kidarit eong." Ido kwape ageuna eong asesen, abu eong kaany atukot naka ipegei kalu elomunete nepetai iyadin elukumit ageun kane ajai eong, kokuju kotoma moru, abu eong kacakak itidok kwap. Kasodi eong atemar atiar, "abuni eong adumun kes. Alosi kwana eong nejai Fred, ido abun eong ailedokin apapula kanu nges ajenun ewai loebait aitenar, kotoma okitai lo kane, ido ibuni adumun Onac Fred."

Ido abu eong kageu aidokar moru, akerit katipet kwape apedoria kere airimor owai je. Ido kanepakanen, abu eong kaomite ebe kenom eong icetunganan. Mam eong apupunitor airetunet kangin; abu kijangak akwap ngin kere. Ido, neabu kiswamaunor kwangin, ebwoete koingarenika arai imalaikan ikanykarei kotoma atunur.

66 Abu eong keriamunos kede Onac Fred ked ekes, apak naedit akaulo. Ebalan nges ebe, "Inyobo do bere ngin?"

Abu eong abongok, "Arai nges ngin."

"Nuinyoka kwana ilosi ijo aswam?"

"Abongor ore. Kanuka, EBALA KWANATA EJAKAIT, nukayeiya nukanykarei nuebwaitai kotoma obaibuli ikaru ngun kere, iriogeta ngun kede idiobore kere, elosi Edeke apukor nukayeiya akanykarei mama ijai oni kotoma aipuceta akanykarei."

Abu kojai ailunguret nabunit kotoma akwap, kwape elisina iswamaun. Neabu kiswamaunor, abu ikiar kiton moru, kogeun ailungurikin ari nakoto, kotoma owai lokebunio. Apotu luka science kodumutu nges akaulo naka apak nadit, amairon akaisaun kuju ido amairon akaisarei kede ikany airikin, bon kotoma ailunguret naka atunuru.

67 Ido apaaran ya, abwoi kane, aibelokin aputo teten, ido ajai Yesu kwape ejaar kotoma aturio nuka ekanisa, kede ajulo nukakwangak enapit, itodiarit aswam naka araut ekatubon. Erai nges Alupa kede Omega; erai nges losodit kede lokawasia; erai nges ekatubon lokapolon loka amamus adaun kere, ebwoi kangina aitogogong aisiraret naka apak kana. Ido ejaun aica nepe ebong! Nuinyoka ngun kere? Inyobo ngin?

68 Abu eong kaloto ari nakoto. Kotoma omoru kangopekangon, atubor kotoma ariri naka amagoro kangina, ebe, "Kocaka amoru. Alimokin ejakait Wood, EBALA KWANATA EJAKAIT, ibuni ijo aanyun aibuses naka Edeke."

Aparan napatupakin, kabwoi kane, abu etapipiro kobu kwap kosodi airetun komoru. Apotu amoru kotubonos kuju naka akito, nepetai iputin iuni arai iwongon adepar akouka. Kosodi aiswamaun airetuneta auni, kosodi onac abu nore ekeri. Ajaas nepetai inacan itomonakany ebwoete kanen, ikalimonokinak kede idiobore kere. "Inyobo ngin?" ebalan nges, arai bon gin inyo?"

Abu eong katema atiar ebuni atubokinio ainom ari nakoto."

69 Nepetai apaarasia aarei akaulo naka kangin, abu amaran naka akwap nepetai kibuc aitulumor Alaska. Arai kereka ngin aica ya najai moru loka Alomar naka akolong kotoma Coronado amagoro naka Arizona? Inyon bo ibore yenategelikina yen yenabu kiswamaun kokuju kangina, ebe apotu itunga kokerete kide

kiton to, elemunenete amoru kosodete aidokonokin ngina neabu nges kinom? Ido idio kere kotoma kakesi, kanginimoru, ajaatar kede isodai iuni kotomake, nada abu kobwang. (Iuni eraas idiopet.) Ejaas kesi idokonokinete abaoi, kotoma apapulai anatar akwap kere. Inyon bo ibore yenetegelikina kotoma moru loelomar akolong kotoma amogoro nako Coronado?

70 Junior Jackson ejai epupokinit, kiitunito yes airujasit nabu nges kodumunite nada abu eong kejul, "Alosi mama elomar akolong"? ido apotu nu iswamaunos kotoma omuru luka Alomar naka akolong. Erai apak nakatibong, apak naka Alomar naka akolong. Aisiraret naka Alomar anaka akolong. Aisiraret naka Alomar anaka akolong kotoma angetakinet naka akiro, agetakinet naka adwaranut, nepetai, adaun aitodolikin. Ido ejaun aica kotoma apak nakatibong, kotoma moru loka Alomar naka akolong kotoma amagoro naka Coronado, amairon akaisangon to naka Tucson. Koloto toma kanuigirunitai kosodi aanyun Alomar naka akolong kangina. Erai nen cut nge sabu nges kiswamaunor. Mam eong abu kajenunite ne aitodol apaaran ngin.

71 Idiobore yen...yenimam etwan. Erai yeninyikokinit aikokoro akekuan. Kotoma obore ngipengin kiswama, kotoma aputo naka Yesu ebwoi kosesen oni; ido kwana kotoma omuru loka Alomar naka akolong, ido kede aica naka Alomar naka akolong. Adolu aica naka atibong, Edeke elopet kitodiar. Inyobo do ngin? Erai nakabeit ebe Edeke kede Kristo eraas ipe. Loka "Kwangan," imwasai ai eanyunito ngin, anapito nakakwangan akouke, kwape kineritor kotoma Apukokin 1? Kiany, atubon lokapolon, loka apedor kere; emamei bobo eporoto ece, emamei bobo edeke ece, emamei bobo icebore! "Tomake ileleba edekeone kotoma akuan." Karaida imalaikan ikulepek kes araas abebenokake. Amen.

72 Inyobo abu kiswamaun kotoma Moru loka Alomar naka akolong? Edeke itogogong akekirot. Ngun nges arau aruo ngin kere. Komisik, arai aitodolikin aisumuneteke naka akirot bobo, naka apukokinio 10: kiton 7 aisiraret nakawasia mama ejai atur nakawasia naka ekanisa. Aitodolikin kotenan, kotoma atur kana, Luka lokalaunan 17:30, "Apaaran naepukore okoku loka etunganan."

"Ido enyounete inabin luka engalak kede Ikriston lukangalak, itodunete aanyuneta nuepolok kede nukaumokin, ti aingalar kiton luseuna karai epedor." Ido eroko ejaas toma abuonokin. Ido, kwape ejaar, ejai ekanisa toma aingiset.

73 Ido luka Science, anatar Tucson kere da, ejaas kesi iwadikaete atutuben ido aibwainikin apapulai. Kokau kangina Moru Lemmon, acumen ngun nuikamete aputosia mam apotu koanyutu nges elomun kotoma kane kejai ebwoi; elosi ari nakoto, ejai aitodiar ebe adaun kwana apak. Mam bobo epedor abongor erai ibore yenidid ngina; ejai kwana toma ari nakoto. Abu atubokinio kino kotoma ari ngipengin nabu nges koloto. Elosi aitenar lailo Phoenix ido aitoro airikin, kotoma Prescott ido kiton omoru kiton ari nakoto, kiton kuju toma...aibo ajaas kes elosete? Laije toma Alaska, ido ejai nges irurumai, ingarenikinit erot.

74 Ido ikangicak ked ekes kere kotoma Tucson eroko ingisito, aingic naka Science etamito adumun ebe inyobo ngin. Erai naikiara noi mam kes epedorete amoun, elisina, arai emamei ibore kokuju kangina. "Inyobo abu iswamaun ngun? Aibo ejai nges?" erai ibore yenisumokinit yenika Emoyo ibore ikaja kokuju kangina kwape ajaatar lukacoa lukokide etupito acerit, ebalas ebe, "Aibo ejai ngol lourio ekabaka loka Iyudayan?" Inyobo do ngin? Edeke itodolikin akekirot, "Ido elomun aicet kotoma Yakob."

75 Ido Edeke loka akuju abu kisumunik apak nakatibong abuni aica nakatibong. Ikaru iuni kau nukayeyea nu araas adwarasit, "Nanyoen bo apak na, lukapa?" konye kwana eraas nuadaut aiswamaun. Atubor. Adaun aitodolikin aisumunet. Nanyoen bo apak, ipa, ido nanyoen bo aisupario? Edeke itodolikin akekirot! Erai nges ngopengon, lolo, kede ikaru kere.

Kelipata.

76 Okwe Edeke, esibo eong itunga adau aojau, aojau adepar neabu eong apelekinite. Elipit eong, Edeke, ebe aponi kolimunoi icebore arai kiswamai yeneinakin itunga kokinga kangina amisikin. Ido kotoma amisikin epedorete kes aiyuun ebe ijo nges Kristo lokabeit, ido akiro nuadaun aitogogong erai aitogogonget naka akirot araut kwape naitekoro ido korai naitodolikina kotoma apakike.

Kwana, Ejakait, kotoma akiro kon elopet, abu ijo kobala ebe abu akwap ajaun toma adoketai naka Sodom. Ijen oni ngun, kisesen oni toma kangin. Ido ibala ijo, kotoma apak kangin, "Kwape ajaar kotoma Sodom." Ajaas ikiyakia iuni ijukakinitai mama ajaas imo kede Iburanian. Ido ediopet kes, loda arai Edeke elopet, okoku loka etunganan, epukor nges elopet kotoma aputo naka etunganan kosodi aiswamaun nukapedor, kiton alimokin Aburaam kere nueswamai Sara kokau kotoma owema.

Ibala ijo ebe abuni bobo ngin abongokin nejaunor akwap kere naka Imo toma adoketai naka Sodom. Ido kwana kijai isio ne, Ejakait. Adwarasia ace itogogongito ibore nginpingin, nuka aiyakuun Eliya kotoma apaarasia nukawasia, Emoyo loka Eliya kotoma akwap, ainyakun itauno luka lukapapa, arai, "Luka idwe mama ejaas lukapapa." Ido elipit eong, Edeke, ebe esawa ngon nges itogogong ijo akirotokon, ebe ijo nges ngopengon bian, lolo, kiton ikaru kere. Kocam ngun, Papa. Eraas kere lukon. Elipit eong ebe ibuni ijo

ainakin arerengusio nu kosodi aitogogong nuadaun ainer, kanuka aibuses naka Edeke. Kokiror loka Yesu Kristo. Amen.

77 Ainer akirot, erai etunganan; aitogogong akirot, erai Edeke. Alimun icebore, erai idiope ibore; Edeke nges iswamai nges, erai icebore. Mam Edeke ipuda ekekejulan; iswamai nges elopet aijuluneteke.

Kwana ejapiei oni adolokin alip kanuka lukadekak, arai ekoto Edeke. Ido ijen ebe emamei ice, emamei ekiliokit, emamei aberu, emamei itunganan, emamei emalaika, yenededor aitangaleun ijo, narai edaunit Edeke aswam ngun. Abu nges iswamau erot, ibore bon yenebeit ijo aswam nges aijaun ngin.

78 Emamei etunganan, emamei emalaika, emamei idiobore, mam karaida Edeke elopet, epedor aitim ijo kanuka arokisio kon. Edaunitai aswam ngin. Abu Yesu kiswama ngun kotoma omusalaba. Konye mam eong etopolor ijo, arai idiobore, arai ainakin ijo ameda naka idiobore, kiton ijo acamun ngin. Kiany?

Ibore bon yenededorio aswam, nges aicorakineta nueinakin Edeke, kanuka ikeyunak aidokonokin akanin mama ejaas lukadekak. Ajai ngin anatar aturio apotu kes kiswamaete ngin, anatar aisikwarununeta. Ido enyarito ngun "Edeke."

79 Abu Aburaam koany aanyuneta nuipu. Konye abu apak kodol nabu Aburaam koanyunia aanyuneteke nakawasia, nepe eroko icwera Sodom, ido arai ngon Edeke itodiar akekuan kotoma aputo naka etunganan. Kiyuunit ijo ngun? Abala Yesu ebe ebongokinete ngun?

80 Kwana, imwasai kane...ido kinga toma orediono, arai kinga toma osimun anatar akwap kere, karai ijai ijo ipupokinit, kokapakin kwana kanuka ailip, kojaun toma ailip, ido yes luijaas kede itambalan kane. Kwana, mam eong apedor alimokin Edeke nuibusakinit aswam. Mam, elwana ngin noi kamaka karaida aitam ngun. Erai nges loeyaikina elopet; iswamai nges nuipuda elopet. Abuni bon eong arimaar kede bon alimun ngun bon nuelimun nges.

81 Ido kwana ejaas kesi ebwoete airimorit arwatatin, kileleba kes toma, kotoma aridakina. Aumokinit eong karai oni apedorete ailip Edeke kotoma akiro kangun, "Nanyoen bo aisupario?" korai Edeke kojaun kiding wok bobo (Epedorete katicepak ipejok kojaas ne), kosodi ajaun akidingosiwok kosodi aitodiar ereeteke loisirerengitai kokidingiwok, aitodiar ekemoyo kane, aitodiar ebe erai nges ngopengon bian, lolo, kiton ikaru kere, tetere kanginidiopet kotoma kaoni (Akaulo naka aisirareta kanu aarei nuegogong) kipedor aiyuun ngin ebe erai kwangin? Ipedorete yes aswam ngun? Ejokuna.

82 Abois naka anyaraun ekokoro loka ailip, do; emwana, eridakina, ebwoete kotoma arwatat. Abu eong kereo lailo, kanuka anyaraun ekokoroka loka ailip, mam ijo ipedor aswam ngun; koany, ebwoete kane. Apedor kereka eong anyaraun lailo? Lukadekak kus, itadan, idiobore kere, eperi; mam ijo ipedor aswam ngun. Aso kiboikin neijai ijo, ido kiyuu Edeke. Karai kijai ijo kede akadi naka ailip, kosalak kitingit, ebuni araun naejok. Ibuni isio adolokin ijo karai ipuda ijo abunore kotoma okokoro. Konye mam eyangaikin ijo abunore toma okokoro.

83 Erai ngon ejakait. Shepherd, akuare naka asabiti kana atubor, mam abunore mama ejai ediokokoro. Mam—mam eong aomit ajaatar nges kede akadi naka ailip. Erai ejakait. Shepherd kane akuarena? Aibo ejai nges? Ejai nges ne? Ejai nges kau. Abu ijo kojaatar kede akadi naka ailip, ejakait. Shepherd? Imameotor ijo? Amameotor nges. Ejai bobo nges iboyei kane, akuarena. Erai na aibois naejok ajaut, Onac Shepherd.

84 Mam erai ijo bon ibusakinit ajaut ne, konye bon kojaun kede aiyuun. Narai, kiitu, abu aberu kotiro akenapiton ido abu nges kopupu ngun. Ido nges ngopengon bian. Ido Iburanian ekaulo, kotoma aitutuket natetet, apotu kotemas atiar erai nges esaseredoti lopeti loepedorio atiror kede eipud loka itaunowok." Iyuunit ijo ngun? Kojaunos do kede aiyuun! Siri kibuonokin ngin. Iyuu ngun, ido epote eitodolikinio. Ibuni ijo adumun kere nuilip ijo, karai kiyuu ijo ngun. Konye eyangaikin ijo aiyuun ngun. Ibuni ijo aswam ngun? Ipote yesi kere aiyuun ngun? Imwasai iyuunete kwana? Edeke isirereng yes.

Mam eong ajeni ebe ingaibo ngai; mam eong ajeni idio kayesi. Mam erai nuikamunitos eong aijen idio kayesi; erai nuikamunitos Edeke aijen iboro lu. Konye elosi Ngesi aswam ngun arai iyuunit ijo ngin. Ijo iyuuni ngin kwana?

85 Kwana, okwe Edeke, kotoma Abeit mam isio kirai atukot naka ikristoyon lueropitai, mam isio ipedor araun, icetunganan yenyangaikinit aiyamiyam kede adakit. Imameotor ijo kede eipone kangonl, Ejakait. Ijaatar ijo kede ikekeyuunak luegogong. Ajakut naka Edeke inokokin itouno luka itunga kede akim. Kwape Aburaam, abu nges kiyuu Edeke. Abu ijo kitaanyikin nges, kosodi ijo atakanikin nges kosodi aiswamaun aanyunet, kosodi nges aiyuun ijo. Abu ijo ijulak bobo akekuan abongor araun etelepat, ido kiton aberuke, nada, akeberu arai atutubet naka ekekuan. Ido kanen kolomun ikoku yenitetet, okoku loka aisumunet.

86 Edeke, abu ijo isumunite ebe ejaun bobo kopekwangin kotoma apaaran kana. Elipit eong ebe ibuni ijo aitogogong akirotona. Ido ibuni isio asalakinit mama ejai aisumunet ngin adiopet kane, ebe ebuni ejaun kwape kejaar Sodom, nepe eroko Sodom inokokina ido kosodi atubokinio ainom Sodom, akwap naka Imo,

ido kosodete Iyudayan ajaun kede ikaru ice iuni kede atutubet ikaru ice kotoma apak naka aiticianio, ationis naka Yakobo, ainyikokinet naka isabinit akaisakaykarei luka Daniel. Konye, Imo imaritai, erai kwana apak naka alosit. Ido iinakin ijo aanyunet ngin. Kocam ngun, Edeke. Eraas kes, kijai isio akaninikon, kismama kede isio kwape kianyunitor ijo ebe ibusakinit. Kokiror loka Ejakait Yesu Kristo. Amen.

87 Kwana sirikurianar. Ti bo do ikwaiki ai korai eong da akuriana? Kwana, ajai eong aiswamaun ibore kane ebe eyangaikin ngin aiswamaun kotoma ayaikina naka Edeke. Konye kanukinyo eswamaa eong nu? Abala nges ebe ajaun kwangin. Ngin nges isinapikinit ngin. Ido karai kitarau nges akekuan ngun, aitogogong ngin kwangin koingaren kus, ejok, mam kereka ijo iyuun nges? Eebo. Bon kojaunos ijo kede aiyuun kosodi aiyuun nges.

Kocamakinai bere eong asesen airimor, aanhun nekengarenikin eong Emoyo Lokalaunan, nuebuni nges elopet aswam. Mam eong ajeni nuebuni nges aswam, eraas ngun nuikamunito nges. Konye bon karai ijaunos yes kede aiyuun, bon kiyuu, "Iboro kere epedoros kama ejaas luiyuunito." Iyuunito yes kere ngun, koriosi akanin kusi kuju kosodete atemar atiar, "Eyuunit eong ngun." [Ebala atukot kere ebe, "Eyuunit eong ngun."—Ekewa.] Kede ekatau kere, eyuunit eong ngun.

88 Kwana iuni eraunete aitogogongget, karai iswama nges ngun atenak auni nuerioro, aitogogong mamakus ebe eraas nukabeit. Mam eong apodo aibo ijai ijo, bon kojaunos ijo kede aiyuun ido kiyuu. Kwana, siri—siri irimokin. Lailo.

Amucalat, nailip, mam eong kajeni ijo. Bon kosalak ijo nepe ijai ijo; mam eyangaikin ijo abunore. Mam eong kajen ijo, konye idakit ijo ikoku yenipese akaninikon, arai bo akejenekon. Arai eong elongau lokabeit kamakon. Ido ikoku yenipese ngin esubit bala engalei, esubit bala ejai ejok. Erai nges ipese yenibus noi, ipese yenerengak itimake. Eong asesen kane mamake, mam nges etakan ebe egwalagwaluna karaida icebore. Mam eong ajeni ibore yenerono kede nges. Mam katicepak erai kanuka ikoku; ipedor korai kanukon. Konye abu eong kaanyu ijo iboyei kane kede ikoku ngin, ido kilip. Eyangaikin eong ainerakin kede ijo adakika, aikamun emoyo kon, kwape abu Yesu kolimokina aberu, "Koinakinai adiskipi," kiany, bon adodun—adodun itungan idiopet. Onac Bryant kede kesi luiboyete kane, ajeni eong itunga lu luiboyete kane. Epedor kesi kojaas kede ipudesia, kesi da, konye irai ijo apejonon.

Iyuunit ijo eong araut enabi loka Edeke? Iyuunit ijo iboru lukiira ijo akuare kana ebe eraas lukabeit? Kwana, karai epukoki Edeke eong icebore yeni iwomit ijo ebe ti mam iswam, arai icebore yenerono kamakon, karaibo ibore yenipuda ijo, ibuni ijo ajenun arai erai abeit karai mam. Mam kereka ijo? Ido karai iswama nges kwangin, ebuni kereka ngin aitogogong akekirot ebe erai nges ngopengon bian lolo kiton ikaru kere, ido ebe Luka lokalaunan 17:30 ageu kwana aitodolikinio? Iyuunit ijo ngun?

89 Kwana, abu aberu koriorite akekan ebe irai isio ilongau. Mam eong kajeni ijo, konye ajai eong atamit aikam ekemoyo, idiope itungan. Ejaas luipu kayes kiriito. Kwana, kiyuunit ijo nu kede etaukon kere.

Kwana, erai kanuka ipese kayenidid. Mam erai ijo. Irai ijo naikuriana, konye mam erai kanuka akurian naitapas ijo. Ibore yenepol kotoma otaukon erai ipese ngin yenidid. Konye iyuunit ijo ebe epedor Edeke alimokin eong ibore yeneraingin? Iyuunit ijo? Epedor kereka ngin aingarakin ijo, ipedor kereka ijo aiyuun kwana? Erai akangas naka adama. Erai ngin abeit? Kwana idokok akanikon mama ejai ikou naka ikoku; akanikon.

90 Okwe Edeke, ibala ijo ebe, "Etupanakinete aanyuneta nu ngun luiyuunete. Idokonokinete kesi lukadekak akanin, ido engaleunete kes." Erau aberu ngin akeyuunan. Ejai ekekan mama ejai ikoku. Kongaleu nges. Okiror loka Yesu Kristo, ainakin eong ailipana. Amen.

Kwana iyuunit ijo, yes kere? Korai bon ijo kiyuu, iboro kere epedoros. Nepetai!

Ajen eong aberu naiboyei eidung kede nges, konye erai nges namunot ido kosesen lailo. Mam eong apedor alimor ekekiror, konye eong...karai asesen eong nges adaun adakika, ti eong ajen. Konye kwana aberu kotoma asesen, konye mam eong ajeni ebe nanyoen ationis kon. Iyuunit ijo eong...ecamakin eong Edeke ajenun ibore yen erai ationisikon? Ipedor ijo...epedor ngin aingarakin ijo? Ationis naka esukali. Kwana, karai erai ngin abeit, korio akanikon. Kopekwangin!

Etakan bala erai aberu eperi...iboyei etupakinit ijo, ejaatar ibore ngipengin. Erai nges apejonon. Aberu nacengin ilipi kanuka icetunganan, ikoku yenegwalangaluna. Iyuunit ijo kede etaukon kere, einakin Edeke ngun.

91 Icetunganan kokau kane. Ekiliokit loiboyei kangina, etamit ngesi ajalakin aimat esigala. Iyuunit ijo ebe epedori Edeke alemar kesi kane ijai ijo? Idumun ijo ngun. Mam eong aanyunitor etunganan kotoma aijaraka.

Ejai ne etunganan. Asesen etoribe ngon lokirionon ejai kujuke etunganan kalo kane loda eperi kotoma oitada bala ecolong loka aliron? Ejai nges etwan. Ejai nges etoribe. Ejaatar nges kede Cancer. Mam eong ajeni etunganan, mam eong aanyunitor nges. Ejeni Edeke kere nuikamunito ijo. Erai ngin abeit, Ipa.



Icamunit ijo ebe epedori Edeke alimokin eong idiobore yenikamunit ijo? Epedor kereka ngin aingarakin ijo aijaun akonangaleu? [Ebala Onac ebe, "eebo."—Ekewa.] Erai epapero nges kiyangaunit ijo ne. konye mam ijo irai etunganan loka aiboisit kana, ijai ijo aboisit ace neda ejai angolol naepol naka akipi nada ikamete itunga agaria kotoma. Eebo, Albany, Kentucky. Erai ngin cut abeit. Kiyuu, ido ipedor ijo abongor ore, ejok. Iyuu bon ebe adaunos ngun. Karai iyuunit ijo ngun! Iburatai ijo aiyuun ngun, ido kiyuu ebe iswamai kanukon. Iyuunit ijo?

92 Ijo, kotoma Tenneses, ijaatar ijo etelepatai loejaas kede Asthma. Emamei kane, konye iyuunit ijo ebe itangaleunio nges? Ido koyanga etambala kon, ekon...loejai akanikon ne, mama ejai nges. Ebuni nges angaleu karai kiyuu ijo ngun.

Aberu naemonyi, naiboyei kiteosi kede emuron Vayle kangina, ejai nges etoribe, nges da, etoribe loiriono cucu. Mam eong aanyunitor aberu ngin kotoma aijaraka, konye ejaatar nges kede Cancer. Ebuni nges atwanare karai mam icebore iswamao kanuke. Iyuunit ijo ebe epedor nges aitangaleun ijo, amucalat? Ipedor ijo? Ipedor ijo aijaun akoningaleu, karai bon kiyuu ijo.

Ejai bobo aberu naiboyei kokauke kede etambala kotoma akitukuke. Ejaasi ngesi da kede ajimis nuka akoik. Edeka. Abu jo kojaas kitolomunenei apak naedit, koi, adaun apak. Erai icetunganan kiyangaunit ijo ne. ijaas ijo kede ationis naka angor. Karai kiyuu ijo, ibuni ijo abongor orekon, ido kojaun ejok.

93 Ijo, etunganan loidit, irai ijo epejonon, iboyei kane koingarenika. Ingai bo ijo, Puerto Rican arai icebore kwangin? eebo, ibore yenepelekinit eong, ibore yenapelekinit eong, arai eong epejonon kamakon, ijen ijo ngun; irai ijo lomam ijai karaida toma akwapuka. Konye iyuunit ijo ebe einakin ijo Edeke eipud loka etaukon? Karai kalimok eong ijo ibore yenerai eipudikon, ipedor ijo aijaun nges? Ijai ijo kilipit aibatisao naka Emoyo Lokalaunan. Erai ngin abeit. Kijau Emoyo Lokalaunan onaceka.

Kane ejai onac lokirionon iboyei kokau kangina, ejaatar alangiru kotoma otauke. Erai kanuka aberuke. Emamei nges kotoma kane, da, ejaatar nges kede ationis kotoma akejeke. Iyuunit ijo ebe epedor nges aitangaleun nges? Iyuunit ijo? Irai ijo epejonon kane. Irai ijo loibunit aitub angolol. Irai ijo loko Jamaica. Iyuunit ijo ebe epedor Edeke alimokin eong ebe ingai ijo? Ejakait. Brady. Iyuunit ijo? Yesu Kristo nges ngopengon bian, lolo, kiton ikaru kere.

94 Amicalat naiboyei cut kotoma angetakinet naka lailo, atupakinit Amucalat. Wright kane, ejaatar bobo nges da alangiru kotoma otauke. Ejai nges ilip kanuka apese. Ejai nges toma ajengio. Iyuunit ijo kede etaukon kere, kanuke? Mam nges bobo ipudakin ajengio karai ipedo ijo ainakin nges aiyuun ngun. Mam eong etangal.

Kau ngin cut kotoma osomero loka idwe kaludidik, asesen eong Emoyo Loka Ejakait, emalaika, aica elosi kotoma osomero. Ejai kuju naka aberu naedit, ido ejaas nges kede ationis naka emoyo nuejai nges eumokinit. Esubit bala ajeni eong aberu ngin, ediopone, aberu naedit. Ejaatar bobo nges ationis naka angor. Eebo. Ekekiror erai, Amucalat West, nako Alabama, ejakait Daudi West. Kiyuu; ebuni Edeke ainakin ngun mama ijai ijo.

95 "Ejaun aica, ido kotoma apaaran naepukorere okoku loka Etunganan." Karai mam ngol erai Yesu Kristo ngopengon, bian, lolo kiton ikaru kere, emameete do nu ajeni eong kotoma kangun. Iyuunit ijo ngun? Epedoros iboro kere mama kangun kaluiyunito.

Kokinga kotoma arupepen anatar akwapin kwana, ido kotoma owema, imwasai kayes ipedorete arior akanin kus losodete atemar atiar, "Arai eong ekeyuunan"? Kwana, yesi kokinga kangina kotoma akwapin, kangitunganan kere yeneriorit akekan kuju, kane. Ido kokinga kangina, kotoma kangina kanenice anatar akwap, kijai ijo iriorit akaninikon kuju, komamei abuonokin. Kwana korapak akonikonyen, kwana kidokok akanikon mama ejai itunganan yeneyapiei kede ijo. Ikamu akaninikec. Idokok toma okeperike. Edokokinit eong da kakanin toma otambalan. Koany nuiswamatai lolo! Koany nyeswamai kopekwana.

Asesen ekereete lokalaunan  
Kocai kede amina naka Emoyo  
Ikerumak luisirerengitai luka akesianut,  
Kwape aicer kotoma abokoke kanuka aica.

Kwana kilip. Kelipata, kanginibois.

96 Okwe Edeke, adolu kwana esawa. Nanyoen apolou naka nu? Edeke itodolikin akekirot! Nanyoen bo aisupario, Ejakait? Erai Edeke itodolikin akekirot. Inyobo yen yenejai anatai akwapin, kotoma arucokina naka esimu, nuda ejaas akwatai nuka itunga idokokinito akaninikec mama ejai nginidiopet kede yenice anatar akwap kere, kotoma oikoru ediopet kiton loce, kotoma to agolitome kiton angalakimak, kide kiton to? Kane ejaas itunga luka acekwapin nukokinga, akwapin nuegitigita, Mexico, Canada, ido kijaa isio idokonokinit akanin mama ejai yenice kede yenice. Edeke itodolikin akekirot!

Kopone kali ejaar ebe epedor etunganan aibwo kane kotoma Emoyo lokalauna kosodi anyaraun etunganan kwape abu nges konyaraun Simon Petero, "Ekonikiror erai Simon, irai ijo okoku loka Yona"?

"Koloto konyarau okilenikon kopotu ne."

"Emamei eong ekiliokit."

"Abeit. Kijaas ijo kede ikany."

Ebala nges ebe, "Ajeni eong ebe ebunit Mesea aswam nu, konye ingai bo ijo?"

Ebala nges, "Arai eong nges."

97 Ido erai ijo nges ngopengon bian, lolo, kede ikaru kere. Ido isumunit ijo, "Ebe aswamisisio nuiswamaisio eong iswamaete yes da. Iswamaete kiton adepar nen, narai alosi eong nejai papa." "Ido, koany, kotoma apaarasia nukawasia ejukakin eong yes Eliya enabi, ido ebuni aiyulakin aomisio nuka itunga, aibelokin itauno luka idwe mama ejaas aisisinakin naka ikiyakia aisisianakin naka ebaibuli." "Ido ejaun aica nepe apak naka atibong."

Kane kijai oni, Edeke lokapolon loka akuju! Ejai kwana apak ne! Ejaas akanin mama ejaas itunga.

Satan, kitelekar ijo. Irai ijo ekengalan. Ido, kewape ebulesit loka Edeke, ido kwape ibulesin, icorakini isio ijo okiror loka Yesu Kristo, ebe ijo arimar akirot naka Edeke, kosodi alomun kotoma otunga kangun, narai iwadikatai, "Okirorika irengeanarete ajokin."

Ido itunga kere epedorete alacakin. Kocam ngun, Okwe Edeke. Irai ijo Edeke loka akuju loabu kipiko, apaaran kangin kede aisupario kotoma moru loka Gologota, kere ariebosia kede adekasinei kede kere eswamisisio nuka ajokit. Irai ijo Edeke. Ido itunga itangaleunitai kotoma omacarinikon. Elacakinitai kes. Okiror loka Yesu Kristo.

98 Edeke, kanginitambala kere loejai ne, nepe erokor Emoyo Loka Edeke ejai, nepe ejai ainyonyoikinio mama ejaas itunga, ido aanyunet nu esumunitai adaunitai aitodolikin, ido ejai akwap emaran, ejai amaran naka akwap iswama, aanyunet nukapolok nueneritai, ido nuiwadikatai itodolikinitai, ido kocai aica naka atibong. Edokokin eong akakuan mama ejaas itambalan lu, abwoikin akuan kere naka ikeyuunak lu kere lukotoma kide, to, agolitome kede ngalakimak; ido kilimokin ajokit, "Kotoma okiror loka Yesu Kristo, kojalak ediokadekan luiperikinitai ne," kanuka ayongit kede aibuses naka akirot naka Edeke. Kokiror loka akirot naka Edeke, Yesu Kristo Lokonasaret. Amen.

99 Kwana, kede aililing, kede acoa kere, ido kotoma aomisio kon kere, kwape ekeyuunak, kwana iyuunito yes ido icamunito angaleu kon kama ejai Edeke loka apedor kere, okiror loka Yesu Kristo? Karai icamunito yes, koriosi akanin kus kokinga kangina. Kanginitunganan kotoma kane. Kanginitunganan kere kane, kwape apedoria eong asesin, luariorito akanin kuju; toma, kinga, kotoma adirisan, kotoma oekia, kotoma osomeri luka idwe, ido kotoma aiboisio kere, itunga luariorito akaninikec kuju. Apotu kocamutu ngun. Adaun aitelekar Satan! Imacarini luka Yesu Kristo kes itangaleunito yes, kede ajakut naka Yesu Kristo itodiarit ngin ebe erai nges lokajaran kiton lolo, epedorit nges aidarit kanginisumunet kere nabu nges koinakinite. Amen! Eyuunit eong nges. Mam kereka ijo? [Ebala atukot ebe, "Amen."—Ekewa.]

100 Kwana kanyoutu abwoata kotoma akejenewok. Kokiror loka Ejakait Yesu Kristo, acamunito idiobore kere yeniswamatai kede alimun, kimina oni nges kede itauno wok kere. Irukocina kede nges kede kere nuejaas toma wok. Kwana kwape ilosito toma oreria kus luegitigita agear akuarena, koloto Edeke kede yes. Koinak Edeke yes Emoyo Lokalaunan karai kimameete ijo kede Emoyo Lokalaunan.

101 Kanginitungan kere, aberu, etelepat, arai apese, kane, yenimam ibatisatai kede kokiror loka Yesu Kristo, ejaas igoen, atapara. Sirikibwaik kanuka moi ibore yenibusakinite ijo aswam lolo. Epedor moi arai naiyapit noi. "Ilosikina kanuka lolo, kanuka apaaran, erai namunaun." Ejaas ikekejanakinak ebwoete, idarito, ejaas igoen idarito. Emamei bobo aiar. Ijai ijo idarit? Karai ijai ijo, kiyuu. Mam ace eipone loaponi kibatisaere ijo, kicokicokitete, kobukokinitete, kere nuerai nges, erai aibucaret. Adolu aica, kobia, kiyuu, ido kibatisaun.

Idio kere yenemameete kede Emoyo Lokalaunan, kijau Emoyo Lokalaunan, kanginidiopet kayes, kotoma apedor naileleba naka Emoyo kede amina naabu nges kisumunite yes, aitarauun ijo isubat yenitetet kotomake. Edeke isirereng yes.

102 Kwana, kiton bobo asabiti ngin kotoma osawan iuni kede akaisaun, kawoisis ekosio loedit loiminakinite oni aiwoo ikaru kau:

Sirikimurok ailip naka okale,  
Ipuda Yesu airiamun ka jo kangina;  
Eyangari Ngesi aidario kon kere,  
Sirimurok ailip naka okale.

Kawooto kere bobo kwana.

Sirimurok ailip nako ore,  
Ipuda Yesu airiamun kede toma;

Eyangari Ngesi aidario kon kere,  
Oo, siri imurok ailip nako ore.

Kwana kwape kiwoikinio bobo, eyoganakinos kede ikaloton loidunyasi kede ijo, kiany, kwape kiwoikinio bobo ngees.

Siri imurok ailip nakore,  
Oo, ipuda Yesu airiamun kede ijo kane;  
Eyangari Ngesi aidario kon kere,  
Oo, siri imurok ailip nakore.

103 Mam kere ijo imina nges?

Amina eong Nges, amina eong Nges  
Naarai Nges ageuni amina eong  
Kogwel Ngesi akaitajario (Arai ngin aisupario.)  
Kotoma okitoi loka Kalivario.

Aisupario ngipengin najai Moru loka Alomar naka akolong, Moru loka Nebo, Moru loka Sinai, kuju naka imoru luegitigita amisikineta. Kanen, ejokuka kere, awoikis bere bobo kwana.

Amina eong Nges, amina eong Nges  
Naarai Nges ageuni amina eong  
Ido kogwelu akaitajario  
Okitoi loka Kalivario.

Kere lueminas nges, kolimutu ebe, "Amen." [Ebala atukot ebe, "Amen."—Ekewa.] Kojaun nges kwangin! Kwana kasowomoom nuiswamat nges kanukon; koomom, ebe ti lolo ijo ijai agola naka emasit akuarena. Ti ijo ipedo kojai karaida ates kwape ti apedoria eong da, kinga naka aitim naka Edeke. Nuinyoka abu nges kiswama kanukon? Oo, koipone ali ipedoria oni amamus amina nges? Mam iswamaun adiojulakinet nuebala idiotunganan, nges bere losodit.

104 Kamudukoto. Kosodete aitulur awokokwes kwape kiyeikina Ngeskwana. Eminakinitos Nges ikososinei, ayoere ikososinei luka aima. Kayeikisiekosio ngon mama ejai Ngesi kwana.

Amina eong Nges, amina eong Nges

Naarai Nges ageunI amina eong

Ido kogwelu aitajarioka kotoma okitoi loka Kalvario.

Ka akwesiwok ka itauonowok ituluritai kotoma akonyeneKe, aiyalama kanuka ngun nu aanyutu awokokonyen, ngun nu eiirasi itauon wok, ngunnuiwadikatai toma Akirot naka Edeke, ngun nu araun aisumuneteKe mama ijai onilolo. Kisirereng yes Edeke.

105 Ijai oni kede epejon nepepe kaoni akuar naka lolo, onac, NedEverson, lo sek arai ekejaanakinan loka Presbyterian. Papake, iinacanake, eraasikejaanakinak luka Presbyterian. Nges, esisiaunit eong, aponi kibatisai lolo, bobo, Kokiror loka Yesu Kristo. Erai ngesi ekejaanakinan, ido korai lokajokannoi kotoma aijaanakin. Ido kwana alosi eong ailip nges, kwape eyuunitor eongnges araut ebulesit loka Edeke, ailiparereng naka Edeke mama ejai atukos nakwape kilosioto yesi oreriakus.

Onac Everson, obia ngaren, kwape kituluritor awokokwes kotoma ailip. Kisirereng jo Edeke onaceka



[www.messagehub.info](http://www.messagehub.info)

Nuelimonokinit

**William Marrion Branham**

"... toma apaarasia nuka eporoto..." Apuk. 10:7